

四庫全書

子部

欽定四庫全書

子部

天中記卷五十七

詳校官中書臣李彤

主事臣祁韻士覆勘

總校官候補中允臣王燕緒

校對官編修臣王天祿

謄錄監生臣葉世倬

欽定四庫全書

天中記卷五十七

明 陳耀文 撰

龜

甲蟲之長甲之蟲三百六十而神龜為之長

大戴禮

神靈之精靈龜者玄文五色神靈之精也

雜書

靈龜靈龜丈五色似玉似金背陰向陽上隆象天下平

法地樂衍象山四趾轉運應四時文著象二十八宿蛇

頭龍翅左精象日右精象月千歲之化下氣上通能知
存亡吉凶之變寧則信信如也動則著矣

說苑

神龜神龜之象上圓法天下方法地背上有盤法丘山
玄文交錯以成列宿五光昭若玄錦文運轉應四時長
尺二寸

禮統

龜一千年生毛壽五千歲謂之神龜壽萬年

曰靈龜

述異記

五色靈龜者神龜也王者德澤湛清漁獵山川從時則
出五色鮮明三百歲游於藻葉之上三千歲嘗游於卷

耳之上知存亡明於吉凶

宋符瑞志

千歲之龜五色具焉其

額上兩骨起似角浮於蓮華之上或在叢著之下其上

或時有白雲蟠蛇龜蛇潛蟄則食氣夏恣口而甚瘦冬

月蟄而大肥

抱朴子

陰蟲之老天子龜尺二寸諸侯八寸大夫六寸士民四

寸龜者陰蟲之老也老者先知故君子舉事必考之禮

子路問孔子曰猪肩羊膊可以得兆藿葦葉茅可以得

數何必以著龜孔子曰不然蓋取其名夫著之為言著

也龜之為言舊也明狐疑之事當問者舊也

論衡

龜之言

久也千歲而靈此禽獸而知吉凶者也

洪範五行

嘉林萬畢石朱方傳曰有神龜在江南嘉林嘉林中者

獸無虎狼鳥無鷓鴣草無毒螫野火不及斧斤不至是

為嘉林龜在其中常巢於芳蓮之上左脅書文曰甲子

重光得我者匹夫為人君有土正諸侯得我為帝王

史記

引氣上有禱著下有神龜著生滿百莖者其下常有龜

守之其上有青雲覆之南方老人用龜支牀足行二十

餘歲老人死移牀龜尚生不死龜能氣導引上

名龜記曰能得名龜者財物歸之家必大富至千萬一
曰北斗龜二曰南辰龜三曰五星龜四曰八風龜五曰
二十八宿龜六曰日月龜七曰九州龜八曰玉龜凡八
名龜圖各有文在腹下云云者此某之龜也取此龜不
必滿尺二寸凡人得長七八寸可寶矣上

十朋一曰神龜二曰靈龜三曰攝龜四曰寶龜五曰文
龜六曰筮龜七曰山龜八曰澤龜九曰水龜十曰火龜

兩雅 易損五爻云或益之十朋之龜鄭注引之

六龜龜人掌六龜之屬各有名物天龜曰靈屬地龜曰繹屬東龜曰果屬西龜曰騫屬南龜曰獵屬北龜曰若屬各以其方之色與其體辨之凡取龜用秋時攻龜用春時各以其物入於龜室上春罾龜祭祀先卜

周禮

含神神龜出於江水中廬江郡常獻生龜於大卜其含神知為効之大

南越志

神屋龜甲一名神屋出南海生池澤中吳越謂之元竹

神龜大如拳而色如金上甲兩邊如鋸齒爪至利而能緣大木捕鳴蟬至美可食不中於卜以其小故也

上

龜經龜一千二百歲可卜天地之終始何以言之三十四十二占於天地千歲之龜甲黑龜有五色依時用之青靈之龜春宜用之西坐東向赤靈之龜夏宜用之北

坐南向

柳莊
龜經

萬物先伏闇能存而能亡者著龜與龍是也龜生於水發之於火於是為萬物先為禍福正

管子

先知龜為前列先知也金次之見情也

禮器郊特牲合璧作禮運誤

號為先知君

抱朴子

玉靈夫子灼龜祝曰假之玉靈夫子夫子玉靈荆灼而心令而先知而上行於天下行於淵諸靈數制莫如汝

信

史記

時君山中辰日稱兩師者龍也稱河伯者魚也稱時君

者龜也

抱朴子

玄衣督郵龜一名玄衣督郵

古今注

龜焦黃帝五十年秋七月庚申天霧三日三夜晝昏黃
帝以問天老乃召史卜之龜焦史曰臣不能占也其問
之聖人帝曰已問天老力收容成矣史北面再拜曰龜

不違聖智故焦

宋符瑞志

高祖將遷都謂元丕云昔軒轅兆

卜龜焦卜者請訪諸賢哲軒轅乃問天老天老謂為善

從從其言終致昌吉然則至人之未然審於龜矣

魏書

受書黃帝東巡河過洛修壇沈璧受龍圖於河龜書於

洛赤文篆字

水經

負圖堯時與羣臣賢智到翠嬀之川大龜負圖來投堯

堯敕臣下寫取告瑞應寫畢龜還水中

龍魚河圖

龜歷陶唐之世越宋國獻千歲神龜方三尺餘背上有

文皆科斗書記開闢已來帝命錄之龜歷伏滔述帝功

德銘曰朱書龜歷之文

述異記

授文禹時有神龜於洛水負文列於背以授禹文即治

水文也

洛陽記

禹卑宮室靈龜見

宋志

白若昔夏后開使蜚廉折金於山川而陶鑄之於昆吾

是使翁難乙灼白若之龜

初學記見墨
子今本作覽

玄龜玄龜書者天符也王者德至淵泉則洛出龜書

宋志

周公旦攝政七年與成王觀於河洛沈璧於洛玄龜青

龍蒼光止於壇背甲刻書赤文成字周公援筆以世文

寫之書成文消龜墮甲而去其言自周公訖於秦漢盛

衰之符

上

無貨桓公曰何謂御神用寶管仲對曰北郭有掘闕而
得龜者此檢數百里之地也今過之平盤之中而臧諸

秦臺立寶曰無賢後果得丁氏粟而伐孤竹

管山
權數

大蔡孔子問漆雕憑

平

曰子事臧文仲武仲及孺子容

此三大夫孰賢對曰臧氏家有守龜馬名曰蔡文仲三
年而為一兆武仲三年而為二兆孺子容三年而為三
兆憑從此之見君問三人之賢與不賢所未敢識也孔
子曰君子哉漆雕氏之子其言人之美也隱而顯言人
之過也微而著智而不能及明而不能見孰克如此
臧武仲自邾使告臧賈且致大蔡馬曰紇不佞失守宗

家語

桃敢告不弔紘之罪不及不祀子以大蔡納請其可賈曰聞

命矣再拜受龜

襄二
十三

明月之珠出於蠙蜃周之簡圭生於垢

石大蔡神龜出於溝壑

淮說
山

元龜為蔡非四民所得居

食貨
志

鄭玄云龜出蔡地因以為名師古曰本以蔡出善龜

故因名孔穎達正義曰鄭注非也臣瓚曰蔡是大龜

名也書曰九江納錫大龜大龜不出蔡國也若龜出

楚不可名龜為楚也又鄭春蔡山出大龜尚書曰九

江納錫大龜即此山之龜也

案守
記

偃句臧昭伯如晉臧會竊其寶龜偃句以下為信與偕
偕吉後會出奔見執平子怒及昭伯從公平子立臧會
會曰偃句不余欺也

昭二
十五

昭兆魯侵鄭不假道於衛靈公怒使追之公叔文子曰
昭公之難君將以文之舒鼎成之昭兆定之擊鑑苟可
以納之擇用一焉今將以小忽蒙舊德無乃不可乎

定五

青純盜竊寶王大弓寶者何璋判白弓繡質龜青純

公羊

定八純綠也謂綠甲頰也千歲之龜青髯明於吉凶

註青

黑緣者天子之寶龜也

樂記

諸侯以龜為寶以圭為瑞家

不寶龜不藏圭

禮器

平準書人用莫如龜索隱云禮云諸

侯以龜為寶是也

史

左正義以所盜無龜公羊之妄也

清江使宋元君夜半而夢人被髮闕阿門曰予自宰路
之淵予為清江使河伯之所漁者余且得予元君覺使
人占之曰此神龜也君曰漁者有余且乎左右曰有君
曰令余且會朝明日余且朝君曰漁何得對曰且之網
得白龜焉箕圓五尺君曰獻若之龜龜至君再欲殺之

再欲活之心疑卜之曰殺龜以下吉乃剝龜七十二鑽而無遺筭仲尼曰神龜能見夢於元君而不避余且之網知能七十二鑽而無遺筭不能避剝腸之患如是則知有所困神有所不及也

莊外物

曳尾莊子釣於濮水楚王使大夫二人往先焉曰願以竟內累矣莊子持竿不顧曰吾聞楚有神龜死已三千年歲矣王巾笥而藏之廟堂之上此龜者寧其死為留骨而貴乎寧其生而曳尾於塗中乎二大夫曰寧生而曳

尾塗中莊子曰往矣吾將曳尾於塗中

上秋
水

豕化邦人獻燕昭王以大豕者曰於今百二十歲邦人謂之豕仙其羣臣言於昭王曰是豕無用王命宰夫膳之豕既死乃見夢於燕相曰今仗君之靈而化吾生也始得為魯津之伯而浮舟者食我以粳糧之珍而欣得之惠將報子焉後燕相遊於魯津有赤龜銜夜光而獻之

符
子

大明龜筮鬼神不足以舉勝左右背鄉不足以專戰然

而恃之愚莫大焉越王勾踐恃大明之龜與吳戰而不
勝身臣入官於吳反國素龜明法親民以報吳則夫差
為擒故恃鬼神者慢於法恃諸侯者危其國鑿龜數筮
兆曰大吉而以攻燕者趙也鑿龜數筮兆曰大吉而攻
趙者燕也劇辛之事燕無功而社稷危鄒衍之事燕無

功而國道絕

韓飾
邪

龜寶四品元龜岨冉長尺二寸直二十一寸六分為大
貝十朋公龜九寸直五百為壯貝十朋侯龜七寸以上

直三百為么貝十朋子龜五寸以上直百為小貝十朋

是為龜寶四品

食貨志

引頸人有出行墮深泉澗者無出路饑餓分死左右見
龜蛇甚多朝暮引頸向東方人因伏地學之遂不復饑
體殊輕便能登巖岸經數年後試踈身舉臂遂超出澗
上即得還家顏色悅懌頗更黠慧勝故還食穀啖滋味
百餘日中復其本質

博物志

張廣定龍懸幼女於古塚中

事同見異聞記

吞氣却儉少時行獵墮空塚中饑餓見有一大龜數數
迴轉所向無常張口吞氣或俛或仰儉素聞龜能導引
乃試隨龜所為遂不復饑百餘日後竟能咽氣斲穀魏
王棄置土室中閉試之一年不食顏色悅懌氣力自若

抱朴子

魏文帝嘗試却儉辟穀百日猶與寢處行步起居

自若也夫人不食七日則死而儉乃能如是

典論

元緒吳孫權時永康縣有人入山遇一大龜即束之以
歸龜便言曰遊不量時為君所得人甚怪之擔出欲上

吳王夜泊越里纜里於大桑樹宵中樹呼龜曰勞乎元緒
吳事爾邪龜曰行不擇日今方見烹雖盡南山之樵
不能潰我樹曰諸葛元遜識性淵長必致相困今求如
我之徒計將安泊龜曰子明無多辭禍將及爾樹寂而
止既至建業權命煮之焚柴萬車語猶如故諸葛恪曰
燃以老桑乃熟獻者仍說龜樹共言權使伐桑取煮之
立爛故今烹龜猶多用桑野人呼龜曰元緒異苑
石龜海畔有大石龜俗云魯班所作夏則入海冬復止

於山上陸機詩云石龜常懷海我寧忘故鄉

述異記

石下龜晉長沙王乂坐同產兄楚王瑋事徙封常山後
還復國在常山穿井入地四丈得白玉方三四尺玉下
有大石其中有龜長二尺餘時人以為復國之祥朱論
者曰仲尼獲麟而卒是亦有不終之象也後果如讖言

寰宇

記

龜顧孔愉字敬康嘗至吳興縣餘干亭見人籠龜於路
愉求買放之於溪中龜行至水反顧愉及封此亭侯而

鑄印龜首迴屈三鑄不正有似昔龜之顧靈德應感如

此愉悟乃取而佩馬

會稽後賢傳

報德咸康中豫州刺史毛寶戍邾城有一軍人於武昌市見人賣一白龜子長四五寸潔白可愛便買取持歸著瓮中養之曰白大近欲尺許其人憐之持至江邊放水
水中視其去後邾城遭石季龍叛毛寶棄豫州既赴江莫不沈溺於時所養龜人被鎧持刀亦同自投既入水中覺如墮一石上水裁至腰須臾浮出中流視之乃是

先所養白龜甲六七尺即送至東岸出頭視此人徐游而去中江猶迴首數顧焉

續搜神記
幽實錄

按本傳邾城之役寶亦溺死庾亮痛哭發疾遂薨其軍人放龜事亦附傳末白氏六帖引搜神記直以為寶事而後之合璧記纂對類等書俱承誤不改爾雅翼復以毛寶過江白龜載之而度為異何耶

右轉鄱陽縣民黃緒入山林荆楊子遂迷不知道數日饑餓忽見一大龜赭便呪曰汝是靈物吾迷路不知道

今騎汝背示吾路龜即回右轉楮即從行去十餘里便
至溪水見賈客行船楮即往乞食便語船人云我向者
於溪邊見一龜甚大可共往取之言訖面即生瘡既往
亦復不見龜還家病數日而死

續搜
神記

客龜符堅建元十二年高陸縣民穿井得龜大三尺背
文負八卦古字堅命以石為池養之十六年而死藏其
骨於太廟以問吉凶名為客龜是夜廟丞高虜夢龜言
曰我將出龜江南遭時不遇殞命秦庭虜於夢中自解

曰龜三萬六千歲而終終必亡國之徵也未幾為謝玄

破於淮淝自縊新城浮圖中秦祚因即淪矣

車穎塵書
水經載記

爻卦泰始二年八月丙寅六眼龜見東陽長山文如爻

卦太守劉勰以獻

宋志

先天三年丁未江州獻靈龜六眸

腹下有玄文象卦爻

唐書

翠毫徐湛之翠龜表曰句容縣人獲龜一頭體披翠毫

翠毫飛集

中候

綠衣女子劉交居若耶溪忽聞有人採蓮喧笑聲交以

溪左右無人居甚訝之乃斷柳枝蔽身視之忽見十餘
女子從一華林而出皆衣青綠年十六七八叢蓮相對
而歌交乃棹舟以逼之諸女皆化為龜入水五色齊王
與夜泊江州叢葦中見綠青碧衣女子十餘人相語事

同見九
江記

孝感臨江郡民留京孝行鄉里推敬時江水暴溢居者
皆漂溺京負其母號泣忽有大龜至其前舉家七口俱
上龜背行十餘里及一高岸龜遂去之上

一角梁天監二年安豐得一角龜武帝遂作一鼎投得

龜處

鼎錄

遺龜梁時烏程有蘇氏女於雲溪西南岸遇一道士曰
汝後大貴因遺一五彩龜云三年當有徵蘇氏後適張
氏生陳高祖宣后高祖即位拜后母為安吉縣君遂名

其浦為貴溪

寰宇記

掘地得龜陸法和嘗至襄陽城北大樹下畫地方二尺
令弟子掘之得一龜長尺半以杖叩之曰汝欲出不得

得已數百歲不逢我者豈見天日乎為受三歸龜乃入

草

北齊

為妖開皇中掖庭宮每夜有人來挑宮人宮司以聞帝
曰門衛甚嚴人何從而入當是妖精耳因戒宮人曰若
逢但斫之其後有物如人夜來登牀宮人抽刀斫之若
中枯骨其物落牀而走宮人逐之因入池而沒明日帝
令涸池得一龜徑尺餘其上有刀迹殺之遂絕

隋志

踏龜道州營陵中龜甲長八尺下自然有文字前後四

足各踏一龜踏龜有時行或踰山越水俗莫敢犯

錄異記金

樓子

化石武德末太宗平內難苑中池內有白龜游於荷葉之上太宗取之化為白石瑩紫如玉故登極之後降制

曰皇天眷佑錫以寶龜

錄異記

金龜唐明皇帝嘗有方士獻一小龜徑寸而金色可愛云此龜神明而不食可置之枕筒之中辟巨蛇之毒後小黃門有竄南徼者上以賜之至象郡屬邑於旅館出

之階下果祛報冤蛇之毒於一方云

上

毛生王勣遊嵩山少室遇日暮止一石室中月夜有人
面潤白鬚者長黑而矮稱毛生與勣談議勣疑怪取鏡
照之其人失聲俯伏化而為龜身帶綠毛馬

異聞
集

龜殼李德裕曰揚雄蜀王本紀張儀築城依龜行迹築
之予未至郡日嘗聞龜殼猶在城內昨詢訪耆舊有
資庫官宇文遇者言比常在庫中見龜殼長六尺元和
初節度使高崇文知之命工人截為腰帶胯具自張儀

至崇文千餘載龜殼尚在而武臣毀之深可惜也

戎幕閒談

續博物志孔帖引德裕鎮西川龜殼猶在後為高崇文截作為腰帶胯

按本傳崇文元和初討劉闢拜東川節度德裕太和四年時徙西川相去已二十餘年矣云後誤

聖龜貞元末福州有村人賣一籠龜其數十三販藥人徐仲以五錢獲之村人云此聖龜不可殺徐置庭中一龜藉龜而行八龜為導悉大六寸徐遂放於乾元寺後

林中一夕而失

雞祖

洞玄先生張鋌見巴西侯飲酒命樂久之有告者曰洞
玄先生在門言訖有一人被黑衣頸長而身甚廣揖之
與坐曰席上人將有圖君巴西怒曰歡宴方洽何遽有
怪命殺之天將曉鋌悖悟見身囚在龕中一龜形甚巨
於龕前乃向所殺洞玄先生也

宣室志

龜寶徐太尉彥若赴廣南將渡小海從者於淺中得一
琉璃瓶中有一龜可以中旋轉而不停而瓶項極細不

知何自而入取置舟中其友忽覺舟偏重視之則眾龜層疊就船而上其人懼而取瓶投之眾龜遂散既而話於海舶胡人曰此乃龜寶也希世之靈物惜其遇而不能有蓋福薄之人不勝也苟得而藏於家何慮寶藏之不豐哉胡客惋嘆不已

金華子

性妬道士陳釗云南人採龜溺以其性妬而與蛇交或雌蛇至有相齧噬力小致斃者採時取雄龜置瓷盃及小盤中於龜後以鏡照之既見鏡中龜即淫發而失

溺又以紙炷火上熖熟點其尻亦致失溺然不及鏡照也又海上人云龍生三卵一為吉弔也其吉弔上岸與鹿交或於水邊遺精流槎遇之粘畧木枝如蒲桃馬色微青黃復似灰色號紫稍花益陽道別有方說

北夢

尾繞身晉成帝時尚書徐恬因夜井發光遂奏請捨宅為寺賜名靈光錢文穆王時立山門掘地得一小龜介甲分明尾繞身一匝遂改靈龜寺

嘉興志

兩首大觀元年閏十月丙戌成都水使者趙霖得龜兩首

於黃河獻以為瑞蔡京曰此齊小白所謂罔象見之而

霸者也鄭居中曰首豈有二帝命棄龜金明池

宋志及居中傳

兩目如日路允迪公弼政和中奉使三韓舟行海中忽

見黑山湧起山頂有光如兩日並出者官吏大恐舟師

曰此大龜也遊兩日者其雙目也當即以三牲祠之公

弼口占祝詞率官寮焚香再拜投牲良久乃沒

寓簡

食龜客有投縉雲山寺中宿者僧為具饌羞鱉甚美但

訝其無裙耳入後屋見黃泥數十團大如竝問其徒即

向所食者在其中取龜以黃泥裹之三日龜服氣肥息

特異

江隣幾
雜志

背上生樹惠州海豐海中有巨龜其大不知幾千里今渡海往往見巨龜在沙嶼間背上生樹木如洲島昔有商者或依以採薪及作食龜既熟便入海於是死者輒數十人然後知其龜也

寰宇記全
樓子同

五行之粹夫龜甲黃足赤眼白尾青腹黑者蓋稟受乎五行之粹也然而性畏刀鐵之器聞其聲則不能動矣

龜經

骨白龜經云欲知龜有神視骨白如銀

蘇氏演義

龜直中文名曰千里其通首橫文之第一級左右有斜
理皆接於千里者龜王之文也今取常龜驗莫有也

金華

子

含洹龜海陽以南濱大海得名有官鄣湖出名龜以下

勝於含洹龜也

元和郡縣志

阜衣宗淵字叔林晉太元中為潯陽太守得十頭龜付

厨曰每日以二頭作臙其夜夢十丈夫阜衣袴褶扣頭
求哀明夜復夢八人求命方悟乃放之後夢八人來謝

續搜神

記夢雋

龜六有龜被野千所包藏六而不出野千怒而捨去佛

告諸比丘當如龜藏六自藏六根魔不得便

雜阿含經

昔有

道人河邊學道但念六塵心無寧息龜從河出水狗將
噉龜龜縮頭尾四脚藏於甲中不能得便狗去還出便
得入水道人因悟我不及龜放恣六情不知死生

法句經

螯

巨螯螯巨龜也以背負山周迴千里

在中記

韻會云大鱉

也雅翼云列子灼其首以卜則螯之為龜無疑者

巨螯戴山渤海之東有大壑焉其中有五山根無所連
着常隨波上下往還不得暫時焉仙聖毒之訖於上帝
上帝恐流於西極失羣聖之居乃命禹彊使巨螯十五
舉首而戴之迭為三番六萬歲一交焉五山始峙而龍
伯之國有大人舉足不盈數步而暨五山之所一釣而

連六螯合負而趣歸其國灼其骨以數焉

列湯問

北極之

神名曰禺彊靈龜為之使

大荒經

螯抃螯戴山抃何以安之

天問

有巨靈之龜背負蓬萊之

山而抃舞戲滄海之中

列仙傳

登蓬萊而容與兮螯雖抃

而不傾

張衡賦

螯光于頤在海南日一夜方三更忽曉如日初出移時

復暗徧嶺南悉然後有海客言其夜海中見大金螯浮

出日光照耀天地如白晝徐徐復沒驗其日正同方知

鰲光

紀聞
譚

顛負巨鰲顛負首冠靈山

蜀都賦

雌鰲顛負鰲也一曰雌鰲為顛

韻會

魏都賦靈巨顛負薛

注作力貌則韻會誤或引爾雅為九種龍更誤

鼉

江鼉江水多鼉似蜥蜴長二丈有麟彩皮堅可以冒鼓

山經口內涎有毒長一丈者能吐氣成霧致雨力至猛虎

攻陷江岸性嗜睡但目閉形如龍大長者自嚙其尾極

難死聲甚可畏人於穴中掘之百人掘亦須百人牽一人掘亦須一人牽不然終不可出

本草

於物難死沸湯沃

口入腹良久乃剥爾老者多能變化為邪魅

上

鼉鼓李斯書樹靈鼉之鼓

史記

鼉宵鳴如桴鼓今江淮謂

鼉鳴為鼉鼓其數應更吳越謂之鯁更趙辟公雜說云

鼉聞鼓聲則鳴

埤雅

狔將風則踴鼉欲雨則鳴

上

土龍鼉長一丈一名土龍鱗甲黑色能橫飛不能上騰

其聲如鼓

續博物志

嫁娶之用鼈魚有四足尾如蠃蜒而大南方嫁娶必得

食之魏武赤壁還所掘得之是也

廣志

鼈鳴孫亮初公安有白鼈鳴謠曰鼈鳴龜背平南郡城

中可求生求死不去來無成明年諸葛恪敗弟融鎮公

安被收融刮金印龜背一服而死

吳志

食鼈梁周興嗣常食其肉後為鼈所噴便為惡瘡此物

靈強不可食也

本草

為妖燉煌李鷓開元中為邵州刺史繫家之任沃洞庭

時晴景登岸因鼻衄沙上為江鼉所舐俄然復生一
鵠與之無異鵠之本身為鼉法所制繫於水中其家奉
鼉妖就任為郡幾數年因天下大旱西江可涉道士葉
靜能自羅浮赴詔過洞庭忽沙中見一人面縛問之鵠
以狀對靜能書符帖巨石上石即飛起空中鼉妖方擁
案晨衙為巨石所壓乃復本形時張說為岳州刺史具
奏並以舟楫送鵠赴郡家人妻子乃信今舟行者相誡
不憑血於波中以此故也

獨異
志

中宗時國子祭酒葉靜能善符禁小術出入宮掖帝
遇毒韋后臨朝謀危社稷臨淄王舉兵誅其黨靜能

等悉見誅

舊紀
聞

有人撰集怪異記傳云玄宗令道士葉靜能書符不
見國史不知葉靜能中宗朝坐妖妄伏誅在玄宗時
有道術者乃法善也談話之小誤差尚可若著於文

字其誤甚矣

因話
錄

介物上元二年有鼉集揚州城門節度使鄧景山以問

族弟珽對曰鼉介物兵象也未幾宋州刺史劉展反傳
鼉城貞元中有湘媪常以丹篆救人疾一日告鄉人曰
欲往洞庭救數百人性命里人張珙為具舟楫送之欲
至洞庭前一日有大風濤感一巨舟泊一君山島上而
碎所載近百餘人各星居於島上忽有一白鼉長丈餘
遊於河上數十人攔之撾殺分食其肉明日有城如雪
圍繞島上其城漸窄束其人為簇其間不廣三數丈岳
陽人亦遙望雪城莫能曉也媪遂登島飛劍刺之白城

一聲如霹靂遂崩乃一大白鼉長千餘丈蜿蜒而斃媪

乃劉綱妻樊夫人也

女仙傳
傳奇

兆水宣和己亥都城北小民家晨起見一物如龍伏牀
下大驚都人競往觀之禁中取去驗之鼉也杖殺之已
而大水數年有金人之禍

荷寮

鼉

河伯使者鼉一名河伯使者

古今注

腸連於頭屠鼉解其肥肉唯腸連於頭而經日不死猶

能齧物鳥往食之則為所得漁者或以張鳥雀

博物志

腹赤鼈其狀如鰲腹下赤者為鼈白者為鰲俗云鼈之
身有十二屬肉漁人捕得之雖支分鬻解隨其巨細未
投湯鑊者皆能跳走鰲與鼈雖至大者如蚊蚋嗜之一

旦乃死

錄異記

為梁禹洛巨海鼈鼈為梁

拾遺記

穆王三十七年起師至

九江以鼈鼈為梁也

竹書

梁指楚人獻鼈於鄭靈公公子宋與子家將見子公子

食指動以示子家曰他日我如此必嘗異味及入宰夫將解鼃相視而笑公問之子家以告及食大夫鼃召子公而弗與也子公怒染指於鬲嘗之而出公怒欲殺子

公子公與子家謀夏弒靈公

宣四

銜驂齊景公渡江沅之河鼃銜左驂沒之衆皆惕懼古冶子於是拔劍從之邪行五里逆行三里至於砥柱之下乃鼃也左手持鼃頭右手挾左驂鷄躍鵠踴而出仰天大呼水為逆流三百步觀者皆以為河伯也

搜神記

水經云江沅景公不至河伯本非江神晏子云從鼃
濟河事或在茲

應鼃樊噲披帷入見高祖高祖踞洗以對酈生當此之

會乃鼃鳴而驚應也應鼃鳴岐野驚應於泉焦氏白鼃

命驚蜀都賦

化鼃漢靈帝時江夏黃氏之母浴伏盤水中久而不起
變而為鼃入於深淵其後時時出見初浴簪一銀釵及
見猶在其首於是黃氏累世不敢食鼃

搜神記
後志

孫皓時

宣養母事同

廣古今
五行志

河生黃河中舊不生鼃時有得者以獻石季龍佛圖澄見而嘆之曰桓溫入河其不久乎溫字元子後果如其

言澄傳

放鼃韋丹未第時於洛陽中橋見漁者得一大鼃長數尺繫之橋柱引頭四顧有求救之意丹以乘驢贖之放於水中徒步而歸後數日韋詣胡蘆生問命生與共往元長史家有老人元濬之向韋盡禮款待懷中出文字

一通授之曰此公一生官祿行止聊報活命之恩即其

鼈也

唐史原
化記

千鈞海鼈大一畝重千鈞

廣雅

鼈脂鼈脂得火可以然鐵燒鼈致鼈

淮萬
畢術

人語千歲龜鼈能與人語

搜神
記

鼈

能鼈鼈三足能龜三足賁

爾雅

從山多三足鼈大嵒山三

足龜

山經

吳興郡陽羨縣君山上有池池中出三足鼈又

有六眼龜

雅註

河伯從事鼈一名河伯從事

古今注

守神鼈無耳為守神

酉陽

鼈無耳而目不可以鼈

蔽

精於

明也

淮說林

腹字鼈目白腹下有三

易註作天

字者卜

一作十

字者不可食

陽鼈九肋者勝

易註

沅江鼈甲九肋者稀

辨言

竟生青泥殺鼈得見復生體鼈剖合如棊擣赤莧汁和

合厚以茅苞五六月作投池澤中經旬鬱鬱成鼈

博物志

怒小公父文伯飲南宮敬叔酒以露睹父為容羞鼈焉
小睹父怒相延食鼈辭曰將使鼈長而後食之遂出文
伯之母聞之怒曰吾聞之先子曰祭養尸饗養上賓鼈
子何有而使夫人怒也遂逐之

魯語

飲渴鄭縣人乙子妻之市買鼈以歸過潁水以為渴也

因縱而飲之遂亡其鼈

韓非子

白鰲後漢漢夷田彊遣子魯居上城次子玉居中城小
子倉居下城三壘相次以拒王莽光武遣劉尚征之尚

未至倉獲白鼈為臚乃舉烽請兩兄兄至無事及劉向

軍來倉舉火魯等以為不實遂戰死焉

陽

為魅汝南有妖常作太守服詣門椎鼓郡中患之及費

長房來知是魅乃呵之即解衣冠叩頭乞自改變為老

鼈大如車輪長房令復就太守服作一札敕葛陂君魅

叩頭流涕持札去視之以札立陂邊以頸繞之而死

列異

傳

暴田石季龍時利州谷綿縣山北溪中有鼈數千頭登

岸暴田苗發軍殘毀至今鼈無頭也

北戶錄注

馬溺消鼈昔有人與奴俱得心腹病治不能愈奴死乃
刳腹視之得有白鼈赤眼甚鮮淨以諸藥內鼈口中終
不死後有人乘白馬者馬溺濺鼈縮頭藏血乃試取溺
灌之豁然消成水病者頓飲一升即愈

志怪

方革云食鼈

不可食菟因並啖之自此苦腹痛作時幾不知人疑鼈
菟所致乃以二物令小蒼頭食之遂得疾得疾與革類
而委頓尤劇未幾遽死昇屍置馬廐未殮也忽小鼈無

數自九竅涌出散走廡下後遇馬溺者輒化為水草聞
自臨視拊聚衆鬻以馬溺灌之皆即為水於是革飲馬
溺遂差或云白馬溺尤良

瑣碎錄

嗜鯿張澤為房知溫從事性嗜鯿忽暴卒經一宿而活
云為太山府君所追責其食鯿過差為羣鬼投於沸鼎
中支解烹飪亦如治鯿之狀既熟為諸鬼分噉其慘毒
苦痛名狀所不及如此者近數十度府君始恕之且問
曰汝受諸苦敢再犯乎荅曰不敢始今遣歸

五代史補

烏帽乞命偽蜀豐資院使李延福晝寢公廳夢烏帽三十人伏於階下但云乞命驚覺僕使報門外有村人獻鼈三十頭因悟所夢遂放之

錄 徽戒

晉崔稅姑家來晨會

客夜夢十九人衣青綠羅衣乞命事同

玉堂閒話

三曳三顧黃德瓌家人烹鼈將箸笠覆其釜揭見一鼈仰把其笠背背蒸爛頭足猶能伸縮家人愍之遂潛放河涯間後因患熱將歿德瓌徙於河邊屋中將養夜有一物徐徐上身覺甚冷及曙視胸臆悉塗淤泥而其鼈

在上間三曳三顧而去即日病差

范光錄

宋傅慶嘗得數

鰲付厨厨婢放大鰲報同

括異志

雙裙南唐僧謙光有才辨而無拘檢性尤嗜鰲國主嘗

以從容語及什氏果報對曰老僧無他願但得鵝生四

隻腿鰲長兩重裙足矣國主大笑

五代史補

長鬚鰲為腫數食可長鬚

酉陽

調鰲闕子曰義渠之人烹龜鰲不熟臊穢腥臭中國之

民雖饑餓三日不啟口至死不食也吳章莊吉受而和

之病人食之為之體輕萬乘食之為之解怒故龜鱉至
腥臊不可加然而病人為之體輕萬乘為之解怒何也
吳章莊吉之調存也

醉鱉唐進士李詹平生廣求滋味每食鱉輒綆其足曝
於烈日鱉既渴即飲以酒而烹之鱉方醉已熟矣

王子

玳瑁

辟毒玳瑁大如扇似龜甲有文解毒兼辟邪唐嗣薛王
鎮南海海夷盧亭獻生玳瑁一枚王令揭取背甲小者

二片帶於左臂腕以辟毒玳瑁亦甚苦楚復養於使宅
後池伺其揭處漸生復遺廬亭送於海畔並無傷矣或
云玳瑁若生帶之有蟲毒即自搖動死則不能神

本草

鱉

鱉鱉形如惠文冠十二足似蟹

山經注

亦似便便面

廣骨志

眼眼在背上口在腹下雌常負雄而走捕者必雙得之
若摘去雄者雌者即自止背負之方行腹中有子如菉
豆南人取以為醬尾中有珠如粟色黃雄小雌大置之

水中雄者浮雌者沈

嶺表錄異

其相負雖風濤終不解矣雌

則不能獨活

廣志

故號鸞媚

雅翼

其珠南人或帶或磨飲之

云利市

北戶錄

殼可為冠次於白角南人取其尾為小如

意雜背上骨如扇

酉陽云如石珊瑚

乘風而行名鸞帆其衆

如牌筏名鸞牌

番禺雜記

昔有漁者庶其庶與婦不和一日

獲此既而悔也是物也人人或不如可乎歸召婦與居

禮之終身

對類

乘鸞鼈鼈同衆共羅

吳都賦

蟹

天文十二星宮有巨蟹焉

釋典

無腸公子山中無腸公子者蟹也

北朴子

雌雄蟹蛻也雄曰鯁雌曰博帶

廣雅

蟹胥庖人共祭祀之好羞鄭注好羞謂四時所謂膳食

若荊州之鱖魚揚州之蟹胥

周禮

胥蟹醞也

說文

蟹醬也

音什

盈車王會海陽大蟹注海水之陽一蟹盈車

周書

千里之蟹姑射國大蟹在海中注女丑有大蟹廣千里

也

山經

螯加山上天下之大物有北海之蟹馬舉一螯能加於

山上身故在水中

在中記

蟹斷蟹始窟穴於沮洳中秋冬交必大出江東人云稻之登也率執一穗以朝其魁然後從其所之蚤夜感涕指江而奔漁者緯蕭承其流而障之曰蟹斷斷其江之道焉耳

陸蟹志

輟耕錄云緯蕭二字尤奇

緯蕭字見莊子漁父篇已具龍部魏書云胡叟救蜀僧法成之死法成感之多遺珍物叟曰緯蕭何人能

棄明珠吾為德請財何為也一無所受夫讀史者多
止檢南北吏陶遺魏書固也而莊亦不及豈悔讀南
華第二篇耶

心躁蟹六跪而二螯非蛇蟺之穴無所寄託者用心躁
也荀勗跪足也韓子以剛足為剛跪注

郭索太玄蟹之郭索後蚓黃泉范明叔云言蟹之與蚓
者用心之不一雖有郭索多足之蟹不如無足之蚓者

以其用心之一也

銳前
一

百足漢武帝善苑國嘗貢一蟹長九尺有百足四螯因名百足蟹煮其殼勝於黃膠亦謂之螯膠勝於鳳喙之

膠也

洞冥記

遺蟹朱登為東海相遺敵蟹醬報書曰蘧伯玉受孔氏之賜必及鄉黨謹分斯貺於三老尊行者曷敢獨享之

張敞

集

化鼠晉太康四年會稽郡彭蛟及蟹皆化為鼠其眾覆野大食稻為災始成有毛肉而無骨其行不得過田塍

數日之後則皆為壯

搜神記

卷五十七

誅解張華裴頠之被誅也趙王倫以宿仇收繫兄弟將殺之梁王彤救之倫等怒曰我見水中蟹猶惡之況此人

人兄弟輕我耶遂並戮其妻子

解繫傳

蟹醬石崇冬月得蟹醬齊王愷貸崇帳下求取去

釋名

左持畢卓字茂世嘗謂人曰左手持蟹螯右手執酒杯

拍浮酒池中便足了一生

世說

蟹螯蔡謨初渡江見蟹螯大喜曰蟹有八足加以二螯

令烹之既食吐下委頓方知非蟹後詣謝尚說此事尚
曰卿讀爾雅不熟幾為勸學死上

埤雅云蔡謨食之瀕死嘆曰讀爾雅不熟幾為勸學
所誤豈因隱居本草之誤耶

長卿蚘蚘也嘗通夢於人自稱長卿今臨海人多以

長卿呼之技神記證俗音有毛者曰蚘蚘無毛者為蚘蚘

堪食俗呼蚘越訛耳北戶錄

誤用擁劍異物志云擁劍狀如蟹但一螯偏大爾俗謂

之越王鈴下何遜詩云躍魚如擁劍是不分魚蟹也

顏氏

家訓

其整赤一名執火

古今注

又名桀步

本草

蜜蟹吳郡獻蜜蟹二千頭作如糖蟹法蜜擁劍四笱吳

都賦所謂烏擁劍是也

大業拾遺

糖蟹煬帝幸江都吳中貢糟蟹糖蟹每進御則旋潔拭

殼面以鏤金龍鳳花貼上

清異錄

塘蟹平原郡貢糖蟹採於河間界每年生貢斲冰火照

懸老犬肉蟹覺犬肉即浮因取之一枚直百錢以糗蜜

東於驛馬上馳之至京

西陽

螯如兩山近世有波斯乘舶泛海往天竺漂入大海至一島中得諸寶甚多隨風掛帆而行遙見峯上有赤物如蛇形久之漸大胡曰此山神惜寶來逐我也為之奈何舟人莫不戰懼俄見兩山從海中出高數百丈胡喜曰此兩山者大蟹螯也其蟹常好與山神鬪神多不勝甚懼之今其螯其無憂矣大蛇尋至蟹許盤鬪良久蟹夾蛇頭死於水上如連山船人因是得濟也

廣異記

如洲昔有人行海得洲林木甚茂乃維舟登岸爨於水傍半炊而林沒於水遽斷其纜乃得去詳視之大蠲也

異物
志

蠲賦僕射嚴續位高寡學為時所鄙江文蔚作蠲賦以譏之云外視多足中無寸腸口裏雌黃每失途而相照

胸中戈甲常聚眾以橫行續深報之

湘山野錄

一代不如一代陶穀奉使吳越忠懿王宴之因食蝻蚱詢其族類忠懿命自蝻蚱至蚱蚱凡十餘以進穀曰真

所謂一代不如一代也

聖宋拾遺

父子何一蠲不如一蟹也

甲冑乞貸餘杭尉范達夜夢甲冑而拜於庭北七八云

某等皆錢氏時歸順人今海行失道死在君手幸見貸

也既覺人有以蝟蚌七枚為獻因遣縱之於江

春渚紀聞

石下得蟹鄒浩為蔡京所忌謫居昭州使役者瀆感應

泉一二尺許於亂石之下得蟹一枚自放於江曰予至

五嶺不睹此物數年矣亂石之下又非所宜穴處也何

從而出耶易不云乎物不可以終難故受之以解蟹者

解也天寶告之矣蒙恩歸侍立可待也於是乎書

道鄉集

白蟹故老相傳建陽縣南興上里山谷中水極清冽嘗
產白蟹有直行之異遇歲旱鄉人入谷以盆貯之迎而

歸即雨

建寧志

十二種呂亢守台州命工作鱗圖凡十二種一曰蝓蚌
二曰撥棹三曰擁劍四曰彭蜆五曰竭朴六曰沙狗七
曰望潮八曰倚望九曰石蛭十曰蜂江十一曰蘆虎十
二曰澎湖又海商言海中龜鼈島之東一島多鱗種類

甚異有虎頭者有翅能飛者有能捕魚者有殼大兼尺

者

傅嘉祐十
二種論

紅蟹紅蟹殼殷紅色巨者可以裝為酒杯也虎蟹殼上
有虎斑可裝為酒器與紅蟹皆產瓊崖海邊雖非珍奇

亦不易採得也

嶺表
錄異

蝸螺蝸螺大者長尺餘兩螯至彊八月能與虎鬪虎不
如隨大潮退殼一退一長

西陽

輸芒蠟八月腹內有芒芒真稻芒也長寸許向東輸與

海神未輪芒不可食

上

開腹中猶有海水

本

腹毛蟹腹下有毛殺人

西

敗漆磁石引鐵蟹之敗漆雖在明知弗知然也

淮

南若蟹

之化漆麻之壞酒此不可以理者也

抱

蟹漆相合成水

博物志

蟹性敗漆燒之致鼠

本

草以蟹投於漆中化為水服

之長生以黑犬血灌之三日燒之諸鼠畢至

仙方

捕鼠夫釋大道而任小數無以異於使蟹捕鼠蟾蜍捕

蚤不足以禁奸塞邪亂乃逾滋注以艾灼蟹匡上納置

穴中通熟走窮穴適能擒一鼠也

淮南

蟹奴廣志云蝓小蟹大如貨錢又蟹奴如榆莢在其腹

中生死不相離

北戶錄

海鏡海鏡廣人呼為膏葉盤两片合以成形殼圓中甚

瑩滑日照如雲母光内有少肉如蚌胎腹中有紅蟹子

其小如黃豆而螯具足海鏡饑則鱗出收拾蟹飽歸腹

海鏡亦飽或迫之以火則蟹子走出離腸腹立斃或生

剖之有蟹子活在腹中逡巡亦斃

嶺表錄異

蒯南海有水蟲名蒯蛤之類也其中有小蟹大如榆莢
蒯開甲食則蟹亦出食蒯合甲蟹亦還入為蒯取以歸

始終死不相離

博物志

環蛭環蛭腹蟹水母目蝦

江賦

環蛭長寸餘大者長二三

寸腹中有蟹子如榆莢合體共生俱為蛭取食

南越志

伐

木而寄生枯艾草而兔絲姜川蟹不歸而蛭敗桑木見

斷而蠹珍

抱朴

殼點蟹大小殼上多作十二點深燕支色亦如鯉之三

年鱗耳其殼如虎蟹螯堪作壘子至於鸚鵡螺杯不同

年而語也

北戶錄

蝦

鱒鱒大蝦長二三丈鬚長數尺今青州呼蝦魚為鱒爾雅

珠蝦舜攝天子有援耳貫胸之民來獻珠蝦金樓子

丹蝦有丹蝦長十丈鬚長八尺有兩翅其鼻如鋸載紫

桂之林以鬚纏身急流以為栖息之處馬丹嘗折丹蝦

鬚為杖後棄杖而飛鬚化為丹石在海傍

洞冥記

蝦鬚吳南陽滕修為廣州刺史或語修蝦鬚長一丈修不信其人後故至東海取蝦鬚長四丈四尺封以示修

修乃服之

交廣記

蝦頭杯南海以蝦頭為杯鬚長數尺金飾鏤之晉康州刺史常以杯獻簡文以盛酒未及飲酒躍於外時廬江太守曲安遠頗解術數即今筮之曰即三旬當後庭有告變者果有生子人面犬身

南越志

長鬚國大足初有士人隨新羅使風吹至長鬚國地曰

扶桑洲其署官品有匠長戡波臣役島邏等號拜士人
為司風長兼駙馬見姬嬪悉有鬚因賦詩曰花無藥不
妍女無鬚亦醜丈人試遣惣無未未不如惣有王大笑
曰駙馬竟未能忘情於小女頤頤間乎後至海龍王所
見鐵鑊滿中是鰕有五六頭色赤大如臂見客跳躍似
求救狀引者曰此鰕王也龍王命放之

西陽

海蝦劉悔者登海船忽見窻板懸二巨蝦殼頭尾鉗足
俱全各七八尺首占其一分鬚尖利如鋒刃鬚尖上有

鬚如紅筋各長二三尺長雙脚有鉗鉗粗如人大指長

二尺餘上有芒刺如薔薇枝赤而鈗硬手不可觸臙殼

烘透彎環尺餘何止於盃盃也

嶺表
錄異

天蝦廣中邕容道常有鰕蛤隨雨至謂之天蝦天蛤人

取肉之不取亦化益為海風攝至者

番禺
記

紅蝦紅蝦出潮州番州南巴縣大者長二尺土人多理

為盃或釵以白金轉相餉遺

北戶
錄

水母水母廣州謂之水母閩人謂之鮫

嶺表
錄異

東海有物

狀如凝血縱廣數丈正方圓名曰鮐魚無頭目處無腹

臟所處則衆蝦附之隨其東西南北越人煮食之

博物志

蜡一名擣蒲魚生東海如血蝟大者如牀小者如斗無

腹胃眼日以蝦為目蝦動蛇沈故曰水母目蝦如駟驢

之與鴛鴦相假矣

本草

南中好食之云性煖治河魚之疾

嶺表錄異海鏡蟹為腹水母蝦為目

越絕書

蝦姑閩中五色蝦長尺餘具五色梅蝦梅雨時有之蘆
蝦青色相傳蘆葦所變白蝦青蝦各以其色泥蝦相傳

稻花變成多在田泥中一名苗蝦又海中有蝦姑狀如

蜈蚣云管蝦

雅翼

螺

授醢鼈人祭祀共蠹羸蚘以授醢人鄭司農云蠹蛤也

杜子春云蠹蟀也

周禮

法螺公輸般見蠹出頭潛以足畫之蠹引閉其戶終不可開因倣之設於門戶欲使閉藏當如此固密也

風俗通

今門戶猶以羸為輔首古之遺制

雅翼

女化桂陽貞女峽傳云秦世有數女取螺於此遇風雨
一女忽化為石人今形高七尺狀如女子

姑興記

紫螺武帝幸瓠子河聞水底有絃歌之聲有老翁出獻
帝一紫螺殼中有物狀如牛脂帝問東方朔曰紫螺殼
中何物朔曰是蛟龍髓以傅面令人好顏色又女子在
孕產之必易令後宮產難者試之殊有神効帝以牛脂
塗人面便白澤

幽明錄

飯化衛瓘大康永熙中家人炊飲墮地盡化為螺出足

而行權終見誅

世說

晉武帝時裴楷家炊黍在甑或變為

螺其年楷卒石崇家稻米化螺崇亦被誅

廣五行記

粟化唐光啟中潤州大荒亂有居民家蓄絕多可一斗

五百文先定價後入擁俟開倉倉中悉化小螺子人皆

驚怪有收盛分去者至今有收得此螺子

傳載

放報廣陵王龍潭寺僧有夢數百人求濟者翌早見人

擔螺蛤往市忽憶所夢贖放於潭數日忽於潭上獲一

小盆非銅非錫非瓦非石持歸以為盥晨起索盥忽見

禹餘糧子盈於中詢之其徒云某昨置數粒耳僧不之
信試貯菽麥白銀等一夕皆充物僧始寶之於是所
積金盛修刹宇及僧老且病弟子爭其器僧云此水宮
神物也無上事不可妄費乃取擲於潭遂化為金鴈飛
去人目其處曰金鴈

地志

螺亭南康有女採螺為業夜宿亭上聞風雨聲見衆螺
張口而至亂噉其肉明日惟有骨在焉故號其亭曰螺
亭

述異記

南康記事稍同

素女晉安書生謝端海岸得一大螺大如一石米斛割
之中有美女曰予天漢中白衣素女天帝矜君純正令
為君作婦端以為妖呵之女嘆息升雲而去上搜神記
稍見互見天漢部

螺婦義興吳堪為縣吏家臨荆溪忽得大螺已而化女
子號螺婦縣令聞而求之堪不從乃以事虐堪曰今要
蝦蟇毛鬼臂二物不獲致罪堪語螺婦即致之令乃謬
語曰更要禍牛堪又語螺婦婦曰此獸也須臾牽至如

犬而食火糞以為火令與火試之忽遣糞燒縣字令及

一家皆焚死焉

原化記

鸚鵡鸚鵡螺旋尖處屈而朱如鸚鵡觜故以此名殼有

青綠斑大者可受二升肉內光瑩如雲母裝為酒杯奇

而可翫

嶺表錄異

螺離殼出食飽則還殼中若為魚所食殼

乃浮出為人所得質白而紫文如鳥形與觴無異故因

其象鳥為作兩目兩翼

異物志

螺常脫殼而遊朝出則有

蟲類如蜘蛛入其殼中螺夕還則此蟲出庾闡所謂鸚

鵓內遊寄居負殼者也

異苑

紅螺紅螺大小亦類鵓鵓螺殼薄而紅亦堪為酒器刻

小螺為足綴以膠漆尤可佳尚也

嶺表錄異

文螺海文蠹數種其大者受一斗南人以為酒杯

廣志

雲螺南人目螺之有文者曰雲螺用以酌酒

上

蒼鷹南人目江東人以為椀

異物志

海螺海螺鳴主大風螺吐光主陰雨螺蛤閉賊軍生亂

珠左

蛤

海蛤蛤有三皆生於海蛤蠣千歲鳥所化也海蛤百歲

鶯所化也魁蛤一名復累老服翼所化

說文

黃雀化淮水中黃雀至秋化為蛤至春復為黃雀五百

年化為蜃蛤

述異記

海蛤東越海蛤

周書王會

靈蛤西王母曰仙藥次有白水靈蛤

漢武內傳

萬年蛤真臘國進萬年蛤不夜珠光采皆若月照人無

妍醜皆美艷帝以蛤賜飛燕以珠賜婕妤曰吾晝視后
不若夜視之美且令人忽忽如失婕妤即以不夜珠為

后壽終不道帝語

趙后
外傳

文蛤晉書后妃傳論云惠皇識閭鳴蛙知昏文蛤沈光
云文蛤即吳人所食文蛤

得環周天和元年夏齊冀州人於蚌蛤中得瑤環一雙

三國
典畧

取水唐麟德中封禪用取明水李敬真曾八九月取蛤

蚌一尺三寸者依法試之至半夜得水四五升

唐新語

成龍開寶六年漢陽軍獻蛤有文隱起成龍長五寸許

金色鱗甲皎然

大如蓆禮部侍郎李常云少監孫莘老莊居在高郵湖邊嘗一夕陰晦莊客報湖中珠見與數同人至水際見微有光彩俄而光明如月陰霧中人面相覩忽見蚌蛤如蘆席大一殼浮水上一殼如張帆狀其疾如風舟子航小艇競逐之終不可及既遠乃沒

文昌雜錄

珂珮新安蠻婦人於耳上懸金環子聯貫琴瑟帖於髻側又繞腰以螺蛤聯穿繫之謂為珂珮

雲南記

如雪東海有蛤烏常啖之其肉消盡殼起浮出更薄在沙中岸邊潮水往來碯薄蕩白如雪入藥最精勝採取

自死者

博物志

食沙鳧鴈嘗在河邊沙上食沙石悉皆銷爛惟食蛤不

消隨糞而出用以為藥倍勝常者

古今注

雷鳴不閉凡蛤之屬開口聞雷鳴不復閉口

南越志

蚌

蒲盧十月雉入淮為蜃蜃者蒲盧也

大戴禮

明月申屠狄謂周公曰賤人何可薄耶周之靈蛙出於土石楚之明月出於蚌蜃少家大家出於污澤天下諸侯皆以為寶狄今請退也

墨子

鮎醬說文云鮎蚌也漢律會稽獻鮎醬二升漢書注鄞有鮎埼亭師古曰鮎音結蚌也長一寸廣二分有一小蟹在其腹中埼曲岸也其中多鮎故以名亭

蚌醬李后主下屬州責蚌醬供宗廟恐滋味齯

作舟切 醬

而珠切

味薄也其下惶懼不敢寧

廣川書跋

現羅漢像大觀中吳興邵宗益剖蚌將食中有珠現羅漢像偏袒右肩矯首左顧衣紋畢具僧俗創見遂奉以歸慈感寺寺臨溪流建炎中憲使楊應誠與客傳玩之
之次不覺越檻躍入水中亟禱佛求之於烟波渺茫之一索而獲葉少蘊曾公衮皆有詩贊之

藝苑雌黃

龍蟠處士李璞居壽春一日登樓見淮灘雷雨中一龍

騰起雨霽行灘上得一蚌頗大偶拾視之其中有龍螭
之迹宛然鱗鬣爪角悉具

老學菴
筆記

片帆洞庭湖中舊有巨蚌其大如片帆夜深側立一殼
乘風往來煙波間中吐巨珠與月相射漁者一日端取
之終不可得近久不見

岳陽風
土記

盈車南方林邑有大蚌盈車明珠至寸不以為貴國人

不採

拾遺
錄

含醬蚌含醬蚌即蜃也

爾雅

玉玼蚤小者名玼一名玉玼可飾佩刀鞘詩傳云天子

玉琇而玼琇是也山海經蟬臯山臯水出焉東注激汝

水其中多蚤玼爾雅海物異名云江玼柱厥甲美如瑤玉

肉柱膚十曰江玼柱郭景純江賦云玉玼海月土肉石

華退之謂馬柱甲是此也世人不用此玼字是未知耳

錄侯鯖

水產東南之人食水之產西北之人食六畜產食水產

者龜蛤螺蚌以為珍不覺其腥臊也食六畜產者狸兔

兔鼠雀以為珍味不覺其體焦也

博物志

無臟鳥無胃肺蛤蜊無臟蛭以空中而生蠶以無胃而

育

裴頤崇
有論

蚺

魁陸蚺魁陸本草云魁狀如海蛤圓而厚外有理縱橫

即今之蚺也字書云蚺蛤也出會稽可食

爾雅

天嚮矣瓦屋子蓋蛤蚌之類也南中舊呼而為蚺子頃

因盧鈞尚書作鎮遂改為瓦屋子以其殼上有稜如瓦

隴故名焉穀中有紫色肉而滿腹廣人尤重之多燒以薦酒俗呼為天鬻炙喫多即壅氣背膊煩疼未測其本

性也

嶺表錄異

進海蚶元和中嶺南節度使崔詠卒宰臣奏擬皆不可上謂裴度曰嘗有諫進海蚶淡菜者詞甚中正卿可求

此人與之度出以訪人或有言孔戣諫者度即日以聞

乃命之

唐書

奏貢蚶元禎為浙東觀察使明州歲貢蚶役郵子萬人

不勝其疲禎奏罷之

專車紫蚘如渠洪蚘專車

江賦

蚘則徑四尺背似瓦龍有

文

臨海水
土物志

玉覽入蚌下誤

蛤蜊

以殼為翅蛤蜊候風雨能以殼為翅飛

兩陽

菩薩文宗好食蛤蜊一日左右以方盤而進中擘不破

裂者上疑其異乃焚香祝之俄頃自開中有二人形眉

端秀體質悉備螺髻瓔珞足履菴菴謂之菩薩上遂置

之於金粟檀香合以玉線覆之賜興善寺令致敬至會

昌中毀佛舍遂不知所在

杜陽編

隋煬帝嗜蛤事稍同陽

油煎北方人喜用麻油煎物慶厯中羣學士會於玉堂

使人置得生蛤蜊一簣令雍人烹之久而不至使人往

視則云焦矣而尚未爛坐客莫不大笑

筆談

牡蠣

鵬化牡蠣一名蠣蛤一名牡蛤陶隱一云是百歲鵬所
化此物附石而生磯蠅相連如房故名蠣房讀如阿房

之房一名蠓山晉安人呼為蠓莆初生海邊才如拳石
四面漸長有一二丈者嶄巖如山海一房內有蠓肉一
塊肉之大小隨房所生大房如馬蹄小者如人指面每
潮來則諸房皆開有小蟲入則合之以充腹海人取之
以鑿房以烈火逼開之挑取其肉而其殼左顧者雄右
顧者則牝蠓耳草本牝蠓言牡非謂雄也介蟲者唯牡蠓
是鹹水結成也酉陽

合澗南山謂蠓為蠓甲為牡蠓合澗洲圓蠓土人重之

語曰得合澗一蠖雖不足蠖亦可以高

南越志

口實何亂侈於味食必方丈後稍欲去其甚者猶食白魚鮓脯糖蟹以為非見生物疑食蚘螭使門人議之學生鍾岢曰鮓之就脯驟於屈申蟹之將糖躁擾彌甚仁人用意深懷如怛至於車螯蚘螭眉目內闕慙渾沌之奇擴殼外緘非金人之慎不悴不榮曾草木之不若無馨無臭與瓦礫其何算故宜長充庖厨永為口實竟陵王子良見岢議大怒汝南周顒與亂書勸令食菜亂未

年遂絕血味

南史

螭嶼樂城縣新溪口有螭嶼方圓數十畝四面皆螭其

味偏好

永嘉郡記

古賁古賁灰牡蠣殼

異物志

車螯

吐氣車螯是大蛤一名蜃能吐氣為樓臺海中春夏間

依約島溆常有此氣

本草

矣設廬陵王義真出為南豫州刺史劉湛為長史義真

出時居高祖憂使帳下備膳湛禁之義真乃於齋內別
立厨帳會湛入煖酒炙車整正色曰公當今不宜有此
設義真曰旦甚寒一杯酒亦何傷酒既至湛因起曰既
不能以禮自處又不能以禮處人

沈約
宋書

北海前月十二日至永嘉郡蠓不如鄞縣車螯亦不如

北海

謝靈運
答弟

石蛙

揚葩石蛙應節而揚葩

江賦

石蛙形如龜脚得春雨則生

花似草華

南越志

龜角

石鮭龜角生石上有甲其子如粟春夏生苗如海藻亦

有花所謂石鮭揚葩其狀甚異

海錄

淡菜

海夫人東海夫人生南海生珠母一頭尖中銜少毛海

人亦名淡菜又名殼菜雖形狀不典而甚益人

本草

烏頭烏頭似蚘

臨海水
土物志

蟻蛤下來蟻雖似烏頭各自有種上

越王越王形似蟻殼赤尾如人瓜形上

土肉土肉純黑如小兒背大長五寸重五六斤有腹無

口目有三十足大如釵脯堪炙食

臨海水
土物志

蝦蟇

蟾蜍蝦蟇一名蟾蜍一名醜一名去甫一名苦蠶其肪
塗玉則刻之如蠟故云能合玉石但肪不可多得取肥
者剉煎膏以塗玉亦軟滑易截古玉器有奇特非雕琢

人功者多是昆吾刀及蝦蟇肪所刻也

本

草取眉間有白

汁謂之蟾酥

衍義

淮南謂之去蚊

無腸蝦蟇無腸龍蛇屬也

衡波傳

月精紀乖政則蟾蜍月精四頭感翔

春秋運斗畧

蟾蜍去月

天下大亂

河圖

月為刑而佐日見之於蝦蟇騰蛇之神而

殆於即且

史記

月照天下蝕於唇諸

淮說林

蟾蜍食明月虹

蛻薄朝日

傳注

戚施韓詩外傳曰嫵婉之求得此戚施薛君曰戚施蟾

蝮喻醜惡也

辟兵蟾蝮辟兵壽在五月之望

文子

蘭芝以芳未嘗見霜

鼓造辟兵壽盡五月之望

淮說林

肉芝者謂萬歲蟾蝮頭

上有角領下有丹書八字體重以五月五日中時取之

陰乾百日以其左足盡地即為流水帶其左手於身辟

五兵若敵人射已者弓弩矢皆反還自向也

抱朴仙藥

辟兵

法或以月食時刻三歲蟾蝮喉下有八字者血以書所

持之刀劍

陰蟲陸機漏刻賦云伏陰蟲以承波吞恒流其如揖孫
綽銘靈虬吐注陰蟲承瀉陸倕銘靈虬承注陰蟲吐噲
韓曰陰蟲蝦蟆也

醫瘡張暢弟收嘗為獶犬所傷醫者云宜食蝦蟆臄可
療收甚難之暢含笑先嘗收因此乃食瘡亦即愈

宋書

背有朱書唐高宗嘗患頭風令宮人修藥餌初穿地置
爐忽有一蝦蟆躍出色如黃金背有朱書武字帝命放
之其夕宮人暴卒後武后竟革命

滿湘錄

如昂神龍中渭水有蝦蟆大如昂里人聚觀數日而失

五行

志

蛇鬪先天二年六月京師朝堂碑下有大蛇出長丈餘
有大蝦蟆如盤而目赤如火相與鬪俄而蛇入於大樹
蛇蟆入於草蛇蝦蟆皆陰類朝堂出非其所也

天使李揆乾元中為禮部侍郎嘗一日坐於堂之前軒
忽聞堂中動盪喧嘩執燭入視見一蝦蟆大如三斗釜
即命人大銅盆覆之客曰夫蝦蟆月中之物亦天使也

今天使來公堂豈非上帝以榮命付公乎黎明啟視之

已亡見矣後數日果拜中書侍郎平章事

南陽

養蠨裴度太和中再在中書荐引李宗閔宗閔既得志

長諧度度謂人曰養蝦蟆得水病其附下罔上如此

牛

日
歷

鑿湖得墓新繁縣有東湖李德裕為宰日所鑿夜夢一
老父曰某潛形其下幸庇之明府富貴今歸來七九之
年當相見於萬里外後於土中得一墓徑數尺投之水

中而德裕以六十三卒於朱崖果應七九之讖

北夢
瑣言

金蝦蟆偽蜀廣都縣百姓陳弘秦者家富於財嘗假貸
錢一萬弘秦徵之甚急人曰請無慮吾先養蝦蟆萬餘
頭貸之足奉償秦聞之惻然已其債仍別與錢十千令
於蝦蟆於江中經月餘秦因夜歸馬驚不進前有物光
明視之乃金蝦蟆也

做誠
錄

肉芝蜀有村夫鬻有蝦蟆甚大兩目如丹皆云肉芝也
有醫工買歸慮其走逸以大石白合於地至曉石白透

明如燭籠醫工駭愕齋沐負鐻絮蟾辭家入青城山不

知存亡

茅亭
客話

抱芋羹百越人好食蝦蟆凡有筵會斯為上味先於釜
中置水次下小芋煎之候湯沸如魚眼即下其蛙乃一
一捧芋而熟如此呼為抱芋羹又云疥皮者最佳擲於
沸湯即躍出其皮自脫皮既脫乃可以修饌時有一叟
聞滋味大以為不可云切不得除此錦襖子其味絕珍

聞之者莫不大笑

南楚
新聞

尖蟾眉州人水濱釣蝦蟆置籃中皆兩兩相負牢不可折極力分之旋即相負如初市之以為珍味成都人最重之以料物和酒炙之曰炙蟾括蒼亦以為珍品名曰

風蛤

游宦紀聞

田父蝦蟆大者名田父能食蛇蛇行田父逐之蛇不得去田父銜其尾久之蛇死尾後數寸皮不損肉已盡也

洽聞記

石撞德興有毛山環三州界廣袤數百里每歲間山旁

人夜持火炬入深溪或山洞間捕大蝦蟆名曰石撞

見

官紀 有一種生山谷中黑色肉紅名石鱗魚並可食

通志

土檳榔土檳榔狀如檳榔在孔穴間得之新者尤軟相

傳云蟾蜍矢也能已毒瘡

雜

蟾蜍擲糞自其口出

自然論

壽蟾蜍壽三千歲

抱朴

蟾蜍頭生角得而食之壽千歲又

能食山精

玄中記

蟾蜍萬歲背生芝草出為世之祥瑞

道書

活師崑山湖水出馬東流於食水其中多活師

山經

科斗

活東注蝦蟇子也

爾雅

生水中有尾和蜍魚漸大脚生尾

脫

本

一名玄針一名玄魚

古今注

蛙

蝮蝮氏掌去毒龜焚牡鞠以灰洒之則死注齊魯之間

謂毒為蝮龜耿龜也

周禮

衍義曰毒其色青腹細鬚尖後

脚長故善躍大其聲則曰蛙小其聲則曰蛤月令所謂

雀入大水化為蛤者也圖經似蝦蟇而背青綠色俗謂

之青蛙亦有背作黃文者人謂之金線毒陶隱居云蜂

蟻毒蟬其類最多大腹而脊青者俗名土鴨其鳴甚壯

即爾雅所謂在水曰鼃者是也黑色者南人呼為蛤子
食之至美即今所謂之蛤亦名水鷄是也閩蜀浙東人
以為珍饌小形善鳴喚者多鼃子本一名田鷄

式怒越王句踐慮伐吳欲人之輕死也出見怒鼃乃為
人聞之者曰何為式王曰鼃有氣如此可無為式乎士
人聞之者鼃有氣王猶為式兄士人之有勇者乎是歲
人有自剄死以其頭獻者

韓內
儲

井鼃魏公子牟謂公孫龍日子獨不聞夫埽井之鼃乎

謂東海之鰲曰吾樂與吾跳梁乎井幹之上入休乎缺
甃之崖赴水則接掖持頤蹶泥則沒足滅跗還軒蟹與
科斗莫吾能若也且夫擅一壑之水而跨跗埴井之樂
此亦至矣夫子吳不時來入觀乎東海之鰲左足未入
而右膝已繫矣於是逡巡而却告之東海之大樂於是
埴井之鼃聞之適適然驚規規然自失也

莊秋
水

投鼃燕太子丹自喜得荆軻永無秦憂日與軻遊東宮
臨池而觀軻拾瓦投鼃太子令人捧槃金丸進之

燕丹
子

羣鬪武帝元鼎五年秋蛙與蝦蟇羣鬪是歲四將軍衆
十萬征南越開九郡

漢志

蠹龜也似蝦蟇而長脚其色青

武紀
注

蛙蟆二物此說甚明本草分條載之是矣御覽孔帖
爾雅翼通志畧混而一之俱誤鄭樵又云凡蝦蟆之
類俱不交合惟雌雄相對吐沫漸成魚子遂變成科
斗夫此物水中相負孰不見之而乃云云豈自序所
謂廣覽動植漢唐諸儒所不得聞者耶

取食武帝欲舉籍阿城以南盤屋以東宜春以西除為
上林苑東方朔諫以謂此地土宜姜芋水多鼃魚貧者
得以人給家足無飢寒之憂

朔傳

注蓋人亦取食之

供祭霍禹夢車騎聲正謹來捕禹舉家憂愁山曰丞相
擅減宗廟羔菟鼃可以此罪也

本傳注所以供祭

給康惠帝為太子在華林園聞蛙鳴聲問左右曰此鳴
者為官乎為私乎太子令賈偁對曰在官地為官在私
地為私惠帝令曰若是官蛙可給康先是有識云蝦蟆

富貴

晉中州記

鼓吹齊孔稚珪字德璋風韻清疎不樂世務門庭之內
草萊不剪南有山池春日蛙鳴或問之曰欲為陳蕃乎
稚珪笑曰我以此當兩部鼓吹何必期效仲舉僕射王
晏嘗鳴笳鼓造之聞羣蛙鳴晏曰此殊聒人耳荅曰我
聽卿鼓吹殆不及此晏有愧色

南齊書
談載

賦下彬賦蝦蟆云紆青拖紫名為蛤魚世以此令僕也
又云科斗唯唯羣浮閭水維朝繼夕聿役如鬼比令史

諸事也

南史

呪厭沈僧昭別名法朗少事天師道士中年為山陰縣
梁武陵王紀為會稽太守宴坐池亭蛙鳴聒耳王曰殊
廢綠竹之聽僧昭呪厭十許口便息及日晚王又曰欲
其復鳴僧昭曰王歡已闌今恣汝鳴即便喧聒

上

玄陰池石憲貸於鴈門關行道中因偃大木下忽夢一
僧蜂目披褐衲邀俗於玄陰池有一僧曰可聽吾徒之
梵音也於是合聲而噪明日徑往尋之行數里窮林積

水有蛙甚多其水果謂玄陰池者其僧乃摩蛙耳

宣室志

鼓精唐林藹為高州太守有鄉野小兒牧牛聞田中有蛤鳴牧童遂捕之蛤跳入一穴中遂掘之乃蠻首家也得一銅鼓其色翠綠土射數處損缺其上隱起多鑄蛙

龜之狀疑其鳴蛙即銅鼓精也

續表錄異

蛙謎曹著機辨有客試之因作謎云一物坐也坐卧也坐立也坐行也坐著應聲曰在官地在私地復作一謎云一物坐也卧立也卧行也卧走也卧卧也卧客不能

曉曹曰我謎吞得你謎客大慚

廬陵官
下記

性熱蛙性熱甚補人人有折其足於瓶中以永養之不

三五日其損如故亦有以蘇剪食者

北戶
錄注

蜥蜴

注鳴螻蝻蛇醫以注鳴者在草曰蜥蜴在壁曰蠃蜒

蠃蜒守宮也

說文

石龍子一名守宮一名山龍子

吳氏
本草

一

曰蛇師

北戶
錄

桂林之中守宮大者能鳴者謂之蛤蚧

方
言

射覆上嘗使諸數家射覆置守宮盂下射之皆不能中

方朔對曰臣以為龍又無角謂之為蛇又有足跂跂脈

脈善言壁是非守宮即蜥蜴上曰善賜帛十疋

漢書

硃砂養蜥蜴或謂之蠃螟以器養之食以硃砂體盡赤

所食滿七斤治擣萬杵以點女人支體終年不滅唯房

室則滅故號守宮傳云東方朔語漢武帝試之有驗

博物

志

蜥蜴與魚交魚跳躍則蜥蜴從草中下稍相依近供浮

水上而相合事竟魚還水底蜥蜴還草中

三教珠英

蛤蚧蛤蚧首如蟾蜍背有細鱗如蚕子上黃色身短尾

短多藏於山谷城牆或大樹間一雌一雄行常相隨常

自呼其名曰蛤蚧

本草

南民曰蛤蚧生一歲每鳴一聲二

歲每鳴二聲有至十聲者土人以老蛤蚧尤重之

物類相感

志其聲絕大或曰一年一聲驗之非也端州大廳有蛤

蚧州吏云有年多年至今每鳴或三聲或一聲不定也

北戶錄蛤蚧大月三聲小月兩聲

海錄

螳螂

拒斧不過螳螂蚌螳螂有斧痕江東呼為石娘其子婢

蛸

爾雅

世謂之天馬一名齧疣究豫謂之拒斧

淮南注

齊杞

以東謂之馬穀

方言

一名斫父

說文

深秋孔子至夏之初始

生

孫炎爾雅正義

當轍齊莊公出獵有螳螂舉足將搏其輪問其御曰此何蟲對曰此螳螂也其為蟲也知進而不知却力量力而輕就敵公曰此為人必為天下武勇矣迴車而避之勇武聞之知所盡死矣故田子方隱一老馬而魏國寶

之齊莊公避一螳螂而勇武歸之

淮人

遂伯玉謂顏闔

曰汝不知夫堂螂乎怒其臂以當車轍不知其不勝任

也是其才之美者也

莊人

間世螳螂氣蟲搏斧奮臂當轍不

迴勾踐是避勇士致斃勵之以義

郭璞

贊晉文迴輪於勇

蟲而壯士雲赴句踐曲躬於怒蛙而戎卒輕死

把

齊莊公迴車韓詩淮南俱同而郭以為句踐葛以為

文豈各別有見耶

捕蟬吳王夫差令於邦中曰寡人伐齊有敢諍者死太

子友欲因諷諫以激於王清旦懷丸持彈從後園而來
衣冷履濡王怪而問之太子友曰適游後園聞秋蛸之
聲往而觀之夫秋蟬登高樹飲清露隨風撓長吟悲
鳴自以為安不知螳螂超枝緣條曳腰聳距而攫其形
夫螳螂翕心而進志在有利不知黃雀盈綠林徘徊枝
陰蹶蹶微進欲啄堂娘也夫黃雀但知伺螳螂之有味
不知臣挾彈危擲蹭蹬飛丸而集其背也吳越此三者皆
務欲得其前利而不顧其後之有患也說苑韓詩孫叔敖

諫楚莊王事同

鄭葉楚人足貧讀淮南方得螿娘伺蟬自鄭葉可以隱
形遂於樹下仰取葉螿娘執葉伺蟬以摘之葉落樹下
樹下先有落葉不能復分別掃取數斗歸一一以葉自
鄭問其妻曰汝見我不妻時始恒荅言見經目乃厭倦
不堪紹云不見嘿然大喜齋葉入市對面取人物吏遂
縛詣縣官受辟自說本末官大笑放而不治

邯鄲
笑林

蟬

異名蟬楚謂之蜩宋衛之間謂之蟪蜩陳鄭之間謂之

蜚蜩秦晉之間謂之蟬海岱之間謂之崎

方言

復育蟬未脫時名復育相傳言蝓蛻所化秀才韋翱莊
在社曲常冬中掘樹根見復育附於朽處怪之村人言

蟬固朽木所化也翱因剖一視之腹中猶實爛木

西陽蟬

生於復育開背而出

論衡

蟬鳴取子羿五歲父母與之入山處之木下以待蟬鳴

還欲取之而群蟬俱鳴遂捐而去羿為山間所養年二

十習於弓矢仰天大嘆曰我將射四方矢至吾門止因
捍弓即射矢靡他截草徑至役之門乃隨矢去

括地
象

齊女牛亨問仲舒曰蟬名齊女者何故荅曰昔齊王之

后怨王而死屍變為蟬登庭樹嚙啖而鳴王深恨之故

曰齊女

仲舒荅問
古今注

承蜩仲尼適楚出於林中見病悽者承蜩猶掇之也仲
尼曰子巧乎有道耶曰我有道也五六月累坑二而不
墜則失者錙銖累三而不墜則失者十一累五而不墜

猶擬之也吾處身若槩株駒吾執臂若槁木之枝雖天地之大萬物之多而唯蜩翼之知吾不反不側不以萬物易蜩之翼何為而不得孔子顧謂弟子曰用志不分

乃疑於神其痴儂丈人之謂乎

列黃帝
莊達士

識時貂蟬古服也貂者取其有文而不煥外柔而易內剛而勁也蟬者取其清虛而識時變也在位者有文而不自耀有武而不示人清虛自牧識時而動

古今
注

五德昔人稱蟬有五德頭上有綏則其文也含氣飲露

則其清也黍稷不亨則其廉也處不巢居則其儉也應

候守節則其信也

陸雲寒蟬賦

翳葉顧愷之好諧謔人多愛狎之尤信小術以為求之
必得桓玄嘗以一柳葉紿之曰此蟬所翳葉也取以為
蔽人不見已愷之喜引葉自蔽玄就溺馬愷之信其不

見已也甚以珍之

晉書

青林樂唐時京城游手夏日採蟬貸之唱曰只賣青林
樂婦人小兒爭買以籠懸窓戶間亦有驗其聲長短為

勝負者

清異錄

蟋蟀

異名蟋蟀。螿劉邵注云謂蚘蜻也。孫炎曰梁國謂之螿。

爾雅南楚謂之王孫。方言一名吟蛩。一名蛩。濟南呼為懶婦。

一名紡緯。古今注幽州人謂之促織。里語趣織鳴懶婦驚。

詩義疏蟋蟀食蠅而化成。詩義問

代簫管道賁聞蟋蟀曰時聞此聲是代簫管。高僧傳

金籠蟋蟀每至秋時宮中妃妾輩皆以小金籠捉蟋蟀。

閉於籠中置之枕函夜聽其聲庶民之家皆效之也

天開

遺事

葦化朽葦之為蚤也稻之為蟹也

搜神記

蜂

異名蜂燕趙之間謂之蠓螋大者有窠謂之盡蜂或呼

笛師

方言

蜂君蜂有君禮也

化書蜂無王而盡死

自然倫

聖人師蜂立

君臣師蜘蛛立網罟師拱鼠制禮師戰蟻置兵

關尹子

兼採蜜蜂以兼採為味

張璠易法序

蜂舟周武王東伐紂夜濟河時雲明如晝八百之族皆齊而歌有大蜂狀如丹鳥飛集王舟因以鳥畫其族翌日而梟紂名其船曰蜂舟魯哀公二年鄭人擊趙簡子得其蜂旗則其類也

拾遺記

垂芒蜂蠆垂芒

搜神記

邾人以須句故出師公卑邾不設

備而禦之滅文仲曰國無小不可易也無備雖眾不可

恃也君其無謂邾小蠆蠆有毒而况國乎

僖二十

附車豫章嚴豐字孟侯為郡主簿太守賈萌舉兵欲誅王莽有飛蜂附萌車衡豐諫以為不祥之徵萌不從果

見殺

謝承書

集船陶侃以袁謙為高涼太守未至百餘里浦中有蜜蜂蔽日而下謙船上明早進西南卒遇大風飛砂天地

晦合不復得還浦遂歿海中

王隱晉書

懷袖卒驚鄒湛對武帝曰猛禽在田荷戈而出凡人能之蜂蠆作於懷袖勇夫為之驚駭出於意外故也

晉書

逐賊元嘉元年建安郡山賊百餘人掩破郡治抄掠百姓子女資產遂入佛圖搏掠財寶先是諸供養具別封置一室賊破戶忽有蜜蜂數萬頭從衣麓出同時噬螫羣賊身首腫痛眼皆盲合先諸所掠皆棄而走

宣記

孔昇翁東都龍門有一處天寶寺北宗雅禪師於此建蘭若庭多古柏枝幹拂地一年中桐始華有異蜂聲如人吟詠禪師諦視之具體人也但有翅長寸餘禪師異之乃網取一馬置紗籠中意嗜桐華採苑置其傍終日

集於一隅微聆吁嗟之聲忽有數人翔集籠外若相慰
狀又一日其類數百有乘車輿者其大小相稱積於籠
外語聲甚細亦不憚人僧密聽之有曰孔昇翁為君莖
不祥頗記元有曰君已除死籍又何懼焉有曰叱叱予
與青桐君奕勝獲琅玕紙數十幅君出可為扎星子詞
當為料理語皆非人世事終日而云禪師舉籠放之因
視謝之次日有人長三尺黃羅衣衣虛止禪師屠撫前
曰我三清使者上伯仙致意多謝指顧失所在

酉陽

鸞蜂貞元八年吳明國貢鸞蜂蜜云其蟲之聲有如鸞
鳳而身被五彩大者可重十餘斤為巢於深巖峻嶺間
大者占地二三畝國人採其蜜不逾三二合如過度即
有風雷之異若螫人則生瘡以石上菖蒲根傅之即愈
久食之令人長壽顏如童子髮白者應時而黑

桂陽
編

怒螫皇甫湜性褊急嘗為蜂螫手指因大躁怒命滅獲
及里中小兒輩箕斂蜂窠購以善價俄頃出窠於庭命
碎於杵白絞取津液以酌所痛

唐闕
史

蛟蜂劉恂曾遊宣歙門見彼中人好食蜂兒狀如蚕蛹而壁白大蜂結房於山林間其大如巨鍾其中不知幾百層村人採時必以草衣蔽身以捍毒螫復以烟火逼散蜂母然後攀援崖樹斷其根一扇有蜂兒五斗或一石二分之一翅足具矣即入鹽酪炒之曝乾以小

闕

貯之寄入京洛以為方物

嶺表錄異

射覆丁文果善射覆宋太宗一日置一物急令射之果乃曰葩葩華華山中採花雖無官職一日兩衙啟之乃

數蜂也

玉壺
清話

若壺赤蟻若象玄蜂若壺

楚辭

五原蔡謏云崑崙山大蜂

一丈其毒殺象

抱朴

蜂房夫牛蹄之涔不能生鱣鮪而蜂房不容鵠卵小形

不足以苞大體也

淮記
論

蜘蛛

喜母蠨蛸長跖

爾雅

小龍龜長脚者一名蠨蛸一名長跖

俗呼為喜子

疏

蠨蛸長足蜘蛛也

詩義
問

一名長脚荊州

河內人謂之喜母此蟲來者人衣當有親客有喜也幽

州人謂之親客亦知蜘蛛為羅網居之

陸機疏

赤班者俗

名絡新婦

本草陶

網蟲網蟲垂戶織夕鳥傍簷飛

沈休文學省愁卧詩

結網太昊師蜘蛛而結網

把补

解網湯出見羅者湯下車命解其三面置其一面更致

祀曰昔蛛螫作網今人學結欲左者左欲右者右欲高

者高欲下者下吾取其犯命者

帝王世紀

執豕晉公子重耳奔齊與五臣游乎大澤中見蜘蛛布
網曳繩執豕而食之公子重耳乃撫撲之於駐駟而觀
之顧謂其臣咎犯曰此蟲也智之薄者矣而猶役其智
布其網曳其繩執豕而食之况乎人之有智而不能廓
垂天之網布絡地之罟以供方丈之御是曾不如蜘蛛
之智孰可謂之人乎咎犯曰公子慎勿言也若終行之
則有邦有嗣矣

符子

蜘蛛隱楚國龔舍初隨楚王朝宿未英宮見蜘蛛大如

粟四面縈羅網有蟲觸之而死者退而不能得出馬舍
乃嘆曰吾生亦如是耳仕宦者人之網羅也豈可淹歲
於是挂冠而退時人笑之謂舍為蜘蛛之隱

金樓子

如粟張文成景雲二年為鴻臚寺丞帽帶及綠袍並鼠
嚙有蜘蛛大如粟當寢門緣絲上經數月大赦加階授

五品

僉載

如輪相傳裴旻山行有山蜘蛛垂絲如匹布將及旻引
弓射殺之大如車輪因斷其絲數尺收之部下有金瘡

者剪方寸貼之血立止

酉陽

飯化道士許相之言以盆覆寒食飯於暗室地土入夏

悉化為蜘蛛上

蛛嘲洛陽有歌婦楊苧羅聰惠有才思解嘲辨楊疑式
甚憐之時有僧雲辨者善講經有口才楊尤重之長壽
年五月雲辨對講歌者忽有蜘蛛於簷前垂絲而下正
對楊與雲辨前楊笑謂歌者曰試嘲得著奉絹二匹歌
者不思應聲嘲之意不離雲辨辨體充肚大楊見詩絕

倒大叫和尚將絹來雲辨慙且笑與絹五匹詩曰吃得
肚嬰撐尋思繞寺行空中設羅網只待殺蟲生

洛陽舊聞記

為妖江夏城南鐵佛寺內有蜘蛛井世傳唐時有紅白
二蜘蛛化為妖婦以媚人故鑄鐵佛鎮王

志

蟻

玄駒十有二月玄駒賁玄駒者也螳也賁者走於池中
也

大戴禮

牛亨問曰蟻名玄駒者何也荅曰河南人並河

而見人馬數千萬皆如黍米遊動往來從旦至暮家人

以火燒之人皆是蚊蚋馬皆是大蟻故今人呼蚊蚋曰

黍民名蟻曰玄駒也

注古今

吾見玄駒之步雉之晨响也

言法

蚍蜉蚍蜉大螳其子蚍

爾雅

其場謂之坻或謂之埵

方

戴粒東海有鼇焉冠蓬萊而浮游於滄海騰躍而上則

干雲之峯類邁於羣岳沈沒而下則隱天之丘潛嶠於

重川有蚘蟻聞而悅之與羣蟻相要呼海畔欲觀鼇之

形月餘鼇潛未出羣蟻將反遇長風激浪崇濤萬仞海

水沸地雷震羣蟻曰此將螯之作也數日風止雷默海中隱起如岳羣蟻曰彼之冠山何異我之戴粒道遂封壤之巔歸伏乎窟穴之下此乃物我之適自己而然何用數百里勞形而觀之乎

符子

知水管仲隰朋從於桓公而伐孤竹行山中無水隰朋曰蟻冬居山之陽夏居山之陰蟻壤一寸而何有水乃掘地遂得水

管子

娛意空城寥廓所聞者悲風所見者鳥雀昔陳司空為

邑宰所在幽閒獨坐愁思幸賴游蟻以娛其意以今况

之知不虛矣

應璩與曹昭伯牋

牛鬪殷仲堪父病虛憊聞牀下蟻動謂是牛鬪孝武不知是殷公問仲堪有一般病如此不仲堪流涕而起曰

臣進退唯谷

世說

蟻王吳富陽董昭之嘗乘船過錢塘江中央見一蟻著一短蘆走一頭回復向一頭甚遽遽畏死因以繩繫蘆着舡船至岸蟻得出其夜夢一烏衣人謝云僕是蟻中

之王也感君見濟之恩君後有急難當相告語歷十餘年時所在劫盜昭之被橫錄為劫主繫餘姚昭之忽思蟻王之夢結念之際同被禁者問之昭之具以實告其人曰但取三兩蟻着掌中語之昭之如其言夜果夢烏衣云可急投餘杭山中天下既亂赦令不及也既寤蟻齧械已盡因得出獄過江投餘杭山旋遇赦遂得無他

齊諧記

蟻宮西京化度廢寺有礧石徑三尺餘孔穴通連若欄

櫓樓臺之狀號曰蟻宮昔有於中見蟻金色其大若蜂

動逾因掘地及泉得此石馬

兩京記

蟻城忠州墊江縣吏冉端唐開成初父死有嚴師者善
山岡為卜地云合有王氣羣聚之物掘深丈餘遇蟻城
方數丈外重雉堞皆具子城譙櫓工若彫刻城內分徑
街小埕相次每埕有蟻數十幢幢不絕徑甚淨滑樓中
有二大蟻一紫色長寸餘足作金色一有羽細腰稍小
白翅翅有經脈疑是雌者衆蟻約有數解其城隅小壞

上以堅土為蓋故中樓不損既掘露蟻擾擾若求救狀

端懼而掩之

陽

長尺馬緒謫潮得巨蟻長尺餘鹽漬之歸誇北人

續博物志

虬蟬王徐玄之夜讀書有人物如粟粒數百皆具甲冑

擁一赤幘紫衣者行案上傳呼曰虬蟬王欲觀漁於紫

石潭一赤幘紫衣者凡數百齊入硯中獲小魚數千頭

玄之以書卷蒙之執燭以觀一無所見

異聞集

玄之捨卷

而寢方寐間忽被甲士逮去其王曰虬蟬王其官有馬

知玄蜃飛其屋有候兩殿陵雲臺玄之夢覺明日掘得

蟻穴如三石缶盡焚之

纂異記

有君螻蟻之有君也一拳之官與衆處之一塊之臺與

衆臨之一粒之食與衆蓄之一蟲之肉與衆師之一罪

無疑與衆戮之

化書

化蝦嶺南暑月欲雨則朽壤中白蟻蔽空而飛入水翅
脫化為蝦土人遇夜於水次乘燭蟻見火光悉投水中
則以竹漉取搏之每搏以豚鬻糝之為鮓號天蝦鮓又

有大赤蟻作窠於木梢如數升器者取其卵並蟻以糝
泊薑鹽釀馬味極辛辣

倦游錄

蟻醬交廣溪洞間酋長多蟻卵陶令淨鹵以為醬醬或
云其味酷似肉醬非官客親友不可得也

嶺表錄異

蝴蝶

鳳車蛺蝶一名野蛾一名風蝶江東呼為捷末色白皆
青者是也其大如蝙蝠者或黑色或青斑名曰鳳子一
名鳳車一名鬼車生江南柑橘園中

古今注

化陵烏得鬱棲則為烏足烏足之根為蟻螯其葉為胡

蝶胡蝶胥也

莊至樂

木蠹生蟲羽化為蝶

搜神記

麥之為蚨

蝶也羽翼焉眼目成焉心智存焉此自無知知而化為
有知而氣易也 上

夢蝶夢者莊周夢為蝴蝶栩栩然胡蝶也自喻適志與
不知周也俄然覺則遽遽然周也不知周之夢為胡蝶
與胡蝶之夢為周與周與胡蝶則必有分矣此之謂物

化

莊子

大如燕劉子卿居廬山有五綵雙蝶來遊花上其大如
燕夜間有二女子曰感君愛花間之物故來相諧君子
豈有意乎子卿曰願伸繾綣二女曰今宵讓姊次夜姊
曰昨夜之歡今留於汝自是每旬一至者數年廬山有
廟沉塑二神女容貌如二婦人

六朝錄稽
神秘苑

鷲蛺蝶魏收昔在洛京輕薄尤甚人號曰魏收鷲蛺蝶
文襄會遊東山令給事黃門侍郎顯等宴文襄曰魏收
恃才無宜適須出其短往復數番收忽大唱曰楊遵彥

理屈已倒惜從容曰我綽有餘暇山立不動若遇當塗
恐翩翩遂逝當塗者魏翩翩者蛺蝶也文襄知知之大

笑稱善

北齊書

樹子化蝶長安城禁苑內一大樹冬月雪中忽花葉茂
盛及凋落後結實其子光明燦然如火之照焉數日皆
化為紅蛺蝶飛去至明年唐高祖自唐國入長安此其

前兆也

滿湘錄

滕王蝶圖劉魯封云見滕王蝶圖有名江夏班大海眼

小海眼村裡來菜花子

酉陽

白尺蠖化白蛺蝶尺蠖繭所化也秀才顧非熊少時見
鬱栖中壞綠裙幅旋為蝶張周封言百合之合之泥其
隙經宿化為大蝴蝶

蝶異段公路常見盧肇說捉得一粉蝶如兩手大上有
散綠點丁香眼前翅頭兩畫臙脂色後翅為燕尾分亦

蝶之異也

北戶錄注

木葉化段公路南行歷懸履蛟維舟飲水觀崖側有一

木五綵初謂丹青之樹命僕採獲一枝尚綴軟蝶凡二十餘個有翠紺縷者金眼者丁香眼者紫斑眼者黑花者黃白者緋脉者大如蝙蝠者小如俞莢者因登岸視之乃知木葉化焉

北戶錄

如蒲帆常有人游南海泊於孤岸有物如蒲帆飛過海將到舟舟人競以物擊之如帆者盡破碎墮地視之乃蛺蝶也海人去其翅足稱之得肉八十斤噉之極肥美

嶺南異物志

衣化羅浮山有蝴蝶洞在雲峯巖下古木叢生四時出

綵蝶世傳葛仙遺衣所化

舊志

媚蝶鶴子草蔓上春生雙只食其葉越女收於粧奩中

養之如養蠶法蟲老不食而蛻為蝶蝶赤黃色女子佩

之如細烏皮號為媚蝶

嶺表錄異北戶錄

蝶粉蝶交則粉退蜂交則黃退

蜻蜓

赤弁使者水蠆為螿

牙螿務

蜻蛉也

淮南

一名桑根

文說一

名白宿

呂覽注

淮南人呼康伊

方言注

蜻蛉一曰青亭色青

而大者是也小而黃者曰胡離一名胡黎小而赤者曰

赤卒一曰絳騶一名赤衣使者

海錄作青弁

一名赤弁丈人

紺蝶一名蜻蛉似蜻蛉而色玄紺江東人呼為紺幡亦

曰童幡亦曰天鷄好以七月羣飛暗天海邊夷貊食之

者謂海中青鰕化為之也

古今注

一名虹蛭一名負勞

爾雅

鄱陽人呼江鷄

雅翼

射蜻楚莊王命養由基射蜻蛉曰吾願生得之養由基

援弓射之拂左翼

尸子

忘機海上之人有好蜻蛉者每居海上游蜻之至者百數而不止前後左右盡蜻也終日玩之而不去其父告之曰聞蜻皆從汝居取而來吾將翫之明日之海上而蜻無至者矣

呂覽

童子戲莊辛對楚襄王曰夫蜻蛉六足四翼飛翔乎天地之間俛啄蚊蚋而食之仰承甘露而飲之自以為無患與人無爭也不知夫五尺童子方將調飴膠絲加已

乎四仞之上而下為螻蟻食也

楚策

化珠五月五日埋蜻蜓頭於西向戶下埋至三日不食

則化成青真珠又云埋於正中門

博物志

青蛉之首瘞而

為珠

類從

螢

異名螢火一名即炤

爾雅

一名景天一名丹良一名夜光

一名宵燭

古今注

一名放光一名夜照

本草

丹鳥丹鳥羞白鳥丹鳥者謂丹良也白鳥者謂蚊蚋也

其謂之鳥也重其養也有翼者為鳥羞也者進也不盡

食也

大戴禮

逐螢光行光熹元年秋張讓段珪劫少帝及陳留王走

小平津帝與王夜逐螢火光行數里得民家露車共乘

還宮

後漢

囊螢車胤字武子好學不倦家貧不常得油夏月用練

囊盛數十螢火以夜繼日焉

續晉陽秋

車胤好學嘗囊螢充

讀書時值風雨胤嘆曰天不遣我成其志業耶言訖有

大螢傍書窓此常螢數倍讀書訖即去來如風雨至

獨異

志成應
元事統

微螢遊山煬帝大業末天下已盜起帝於景華宮徵求

螢火數斛夜出游山如放光火徧巖谷

隋書

螻蛄

五伎螻蛄一名天螻一名蝮

本

梧鼠五技而窮

荀子螻蛄

一名石鼠

古今注

碩鼠五能不成一技術注云能飛不能

過屋能緣不能窮木能游不能度谷能穴不能掩身能

走不能絕人

蔡邕勸
學篇

如牛黃帝起有大螻蛄

河

鄒衍言黃帝土德有螻蛄如

牛

劉向
別錄

黃帝時有大螻蛄如羊

宋符
瑞志

穿獄廬陵太守龐企自云其乃祖非罪係獄將上有螻蛄

蛄行其左右謂曰爾有神能活我死否因投食與之螻蛄

食飲盡去有頃復來形體稍大意每異之乃復與食

如此數月間其大如豚及將刑之夜螻蛄掘壁為大穴

乃破械從之出亡後遇赦免故龐氏世祀螻蛄焉

搜神
記

蠅

醜扇蠅 醜扇青蠅之類好搖翅自扇

爾雅

灰生爛灰生蠅

淮

蠅生積灰蜂出蜘蛛

發蒙記

蠅墮水死

者置於灰中須臾即活

相感志

或曰大麻蠅茅根所化

酉陽

腐聚腐肉所在青蠅集聚辨別白黑敗亂邦國

易林

託驥蒼蠅之飛不過十步託驥之旄乃騰千里之路然

無損於騏驎得使蒼蠅絕羣也

張敞集

光武與隗囂書曰

蒼蠅之飛不過三數步託驥之尾得以絕羣

東觀漢記

附驥

驥之旄端軼歸鴻於碣石

廣紀
交論

青蠅為弔客虞翻放逐南方自恨犯上獲罪當長沒海

隅生無可與語死以青蠅為弔客使天下一人知己者

足以不恨

別恨

逐蠅王思正始中為司農性急嘗執筆作書蠅集筆端
驅去復來如是再三思恚怒自起逐蠅不能得還取筆

擲踏壞之

司吏
傳

夢集鼻魏何晏嘗夢見青蠅數十頭來集鼻上驅之不

肯去以問管輅輅曰鼻者艮此天中之山今青蠅臭惡而集之焉位峻者顛輕豪者亡不可不思害盈之數盛

衰之期至明年晏及鄧颺皆伏誅

廣五行記

蠅赦符堅時鳳凰集於東閣大赦天下初將為赦與王猛符融議於甘露堂悉屏左右堅自為文有一大蒼蠅入自牖間鳴聲甚大集於筆端驅而復來堅惡之久而方去俄而長安街巷市里民相告曰官今大赦有司以聞堅驚謂融曰禁中無屬耳之垣事何從而泄也赦外

推之咸言有一小人衣青衣大呼於市曰官今大赦須臾不見堅嘆曰其向蒼蠅乎聲狀非常吾固惡之

前秦錄

異苑作晉明帝

杖閣庫狄伏連居室患蠅杖門者曰何故放入

北史

號凍蠅王方慶體質鄙陋言辭魯鈍為鳳閣侍郎張元

一謂之被凍

會載

鷹頭表楚客規魏元忠書云閣宦君側之人眾所畏懼所謂鷹頭之蠅廟垣之鼠者也

豆擊蠅張芬在章臯幕中有一客於宴席上以籌梳中
綠豆擊蠅十不失一一座驚笑芬曰無費吾豆遂指起
蠅拈其後脚畧無脫者

西陽

食菰蠅集武儒衡為中書舍人時元稹依倚內官得知
制誥儒衡深鄙之食食菰閣下蠅集於上儒衡以扇揮
之曰適從何處來而遽集於此同僚失色儒衡意氣自

若

唐 葛

聲蠅類有蒼者聲雄壯負金者聲清聒其聲在翼也青

者能敗物巨者首如火

西陽

一名景跡

營營營青蠅止于林

說文

蚊

白鳥營肌齊桓公卧於栢寢謂仲父曰吾國富民殷無
餘憂矣一物失所寡人猶為於邑白鳥營肌而求飽寡
人因之開翠紗之幃進蚊子焉其蚊有知禮者不食公
之肉而退有知足者喋公之肉而退有不知足者遂長
噓短吸而食之及其飽也腹腸為之破潰公曰嗟乎民

生亦猶是矣

金樓子

蚊睫景公問晏子曰天下有極細乎對曰東海有蟲巢

於蚊睫再乳再飛而蚤不為驚名曰焦螟

晏子

江浦之間

生麼蟲其名曰焦螟羣飛而集於蚊睫弗相觸也栖宿

去來蚊弗覺也離朱子羽方畫拭背揚眉而望之弗見

其形毓俞師曠方夜擗耳俛首而聽之弗聞其聲唯黃

帝與容城子居空峒之上同齋三月心死形廢徐以神

視塊然見之若嵩山之阿徐以氣聽砰然聞之若雷霆

之聲列子南方蚊翼下有小蜚蟲焉目明者見之每生九

卵伏成九子蜚而俱去蚊遂不知

神異經

射覆郭舍人曰願問朔一事朔得臣願榜百朔窮臣當
賜帛曰可從何處來歌謳且行不從門入踰我垣牆游
戲中庭上入殿堂擊之拍拍死者穰穰格鬪而死主人
被創是何物也朔曰長喙細身晝亡夜存嗜肉惡烟為
掌所捫臣朔愚慙名之曰蟲舍人辭窮當復脫禪方朔傳
高齋無蚊荊州高齋盛夏之月無白鳥餘極寢處於其

中及移餘齋則聚蚊之聲如雷矣數丈之間如此之異

吁可怪哉

金樓子

蚊子樹嶺表有樹如冬青實生枝間形如枇杷子每熟即折裂蚊子羣飛唯皮殼而已土人謂之蚊子樹

嶺南異物

蚊母鳥蚊母鳥形如青鷁嘴大而長於池塘捕魚而食每叫一聲則有蚊蚋飛出其口俗云採其翎為扇可辟

蚊子亦呼為吐蚊鳥

嶺表錄異

煮鱉煮鱉煮羊以龜煮鱉以蚊

燕山錄

螫蠶蠶性畏蚊蚊小螫之輒斃

理雅

虱

相弔湯沐具而蟻虱相弔大厦成而鶯雀相賀

淮南

無定質今頭虱着身皆稍變而白身虱處頭皆漸化而

黑是玄素果無定質移易在乎所漸也

抱朴

虱父齊魯爭汶陽之田魯侯有憂色魯隱者周豐往見
曰臣嘗晝寢啾然有羣虱之鬪乎衣中其臣膏腴之肌
稱臣項脊之膚相與樹黨爭之日爭不息相殺者大半

虱父止之曰我與你所慮不過容口而已奚用交戰為哉羣虱止今君以七百里為君之城亦以足矣而以汶陽數畝之田惑君之心曾不如一虱之智竊為君羞之魯侯曰善

虱賦齊卞彬為蚤虱賦序曰虱有諺言朝生暮死孫若吾之虱者無湯沐之慮絕相吊之憂晏聚乎久袴爛布之裳復不慙之討捕孫孫子子三十五歲

南史

破虱錄段成式曾一夕堂中會時妓女玉壺忌魚炙見

之色動因訪諸妓所惡者有蓬山忌鼠金子忌虱尤甚
坐客乃競徵虱如鼠事多至百餘條以擾之予戲撫其

事作破虱錄

酉陽

化青蟲汝陰尉李仲舒漢臣山陽人平生戒殺去釋教
令置虱於綿絮骨筒中久亦飢死有人教放青葉草上

經宿占霧則為青蟲飛去視之信然皆折背而化

鷄肋編

夢虱夢梳篋為憂解也蟻虱盡去百病愈也蟻虱為憂
嚙人身也夢見蟻虱而有憂至也

夢書

卜病相傳人將死虱離身或云取病者虱於牀前可以
卜病將差虱行向病者背則死

酉陽

濡需濡需者豕虱是也擇䟽鬣自以廣宮大園奎蹄曲
隈乳間股脚自以為安室利處不知屠者之一旦鼓臂
布草操烟火而已與豕俱焦也

莊徐無鬼

蝸牛

瓜牛季云蝸蟲有兩角俗謂之蝸牛三蒼云小牛螺也
俗名黃犢

莊蝸蟻注

蝮一名陵蝨一名土蝸一名附蝸一

名蝨牛亦曰瓜牛入三十六禽限又是四種角蟲之類

熒室星之精矣

本草

此即負殼蜣螂也

日華子

蝸角戴晉人告魏惠王曰有國於蝸之左角者曰觸氏有國於蝸之右角者曰蠻氏時相與爭地而戰伏尸數

萬遂北旬有五日而後反

莊則陽

蚯蚓

胸臆瓊州地名胸臆胸臆是蚯蚓也故土多此蟲常至

使江畔出其身半跳於空中而鳴其形胸臆

劉賓客嘉話

歌女一名蜜螻一名曲螻善長吟於地中江東謂之歌

女或謂鳴砌亦呼為塞蚓

古今注

一名土龍一名地龍子

其屎呼為蚓螻

本草

鳴非蚯蚓按月令螻蝈鳴蚯蚓出蓋蚯蚓與螻蝈同處

鳴者螻蝈非蚯蚓也吳人呼螻蝈為螻蛄故諺云螻蝈

叫得腸斷曲蟻乃得歌名

席上輔談

如虹黃帝起大蚓見

河圖說微

蟻大如虹

世紀

蟻土精大五六

圍長十餘丈

索隱

白巾女孟州王雙宋元帝元嘉初忽不欲見明常取水沃地以菰蔣覆上眠息飲食悉入中云恒有女着青裙白領中來就其寢母聽聞薦下有聲歷歷發之見一青色白纓蚯蚓長二尺許云此女常以一奩香見遺氣甚清芬奩乃螺殼香則菖蒲根於時咸謂雙暫同阜蝨矣

異苑

為美食姑隋煬帝大業中河南婦人養姑不孝姑兩目盲婦以蚯蚓為羹以食之姑怪其味竊藏一鬻以示兒

兒還欲送婦詣縣未及忽然雷雨乃失其婦少頃從空而落身衣如故易為白狗頭語言不異因問其故荅云

以不孝姑天神所罰

實報記

衆鳴成曲上都渾令宅戟門外一小槐樹有穴大如錢每夏霽後有蚓大如巨臂長二尺餘白頸紅班領蚓數百條如索緣樹枝幹及曉悉入穴或時衆鳴往往成曲學士張乘言渾令時堂前忽有樹從地湧出蚯蚓遍挂

其上

酉陽

蚓毒昔有病腹大夜聞蚯蚓鳴於身有人教用鹽水浸之而愈崇寧末年隴州兵士暑月中在倅廳前跣立廳下為蚯蚓所中遂不救後數日又有人被其毒博識者教以先飲鹽湯一盃次以鹽湯浸足乃愈

本草

啖蚓閩越江北山間蠻夷啖蚯蚓脯為羞容州人好食
蠶菜人以為諱或云以蚯蚓為之

廣志著
禹記

土精蚯蚓土精無心之蟲交不以分淫於阜螽觸而感
物乃無常雄郭璞贊阜螽如蝗蟲江東人呼為蚱蜢與蚯

蚓雖異類而為雌雄蚯蚓鳴則阜螽跳躍五月五日伺其偶合收而佩之令人相愛

物類相感志

蝮

蠱鼠負蟲巨者多化為蝮蝮子多負於背舊說過滿百為蝮所螫蝮前謂之螫後謂之蠱蝮常為蝮牛所食以跡規之蝮不復去酉今人或為蝮螫者取蝮涎以塗之痛立止

相感志

杜伯蠱蝮也

大琵琶安陽城南有亭宿者輒死有書生入亭宿明掘

得老蝎大如琵琶毒長數尺亭遂安靜

搜神記

安邑縣北

門縣人云有一蝎如琵琶大每出並不毒人

傳載

整人為樂北齊南陽王綽為定州刺史後主高緯徵至
行在問在州何者最樂對曰多取蝎混蛆中觀之極樂後

主即夜索蝎一斗比及二三升置諸浴斛使人裸卧其
中號叫宛轉帝與綽臨觀喜噓不已謂綽曰如此樂事

何不早馳驛奏聞

本傳

通志多取蝎混蛆中觀之

通鑑作蛆

主簿蟲潤州金壇縣大厯中

雜俎云開元中

有北人為主簿以

竹筒齋蝎十餘枚置於廳事之樹后遂孽育數百枚為

土氣所蒸而不能螫人南人不識呼為主簿蟲

傳載

萬蝎螫黃靖國死見冥中治武后獄以大甕貯萬蝎螫

之

吉凶影
響錄

蚶螂蠍紫小者名蚶螂

蜀本草

蜈蚣

制蛇蜈蚣蜈蚣也

廣雅

蜈蚣且其帶司馬彪曰帶小蛇也蜈

蚣喜食其帶

莊齊物

蜈蚣性能制蛇見大蛇便緣而啜其

臘本
草

禁蛇南人入山皆以竹管盛活蜈蚣蜈蚣知有蛇之地
便動作於管中如此則草中便有蛇也蜈蚣見蛇能以
氣禁之蛇即死抱蛇虺見之而蟠伏螂蛆當其前似施
禁法蛇即為之開口螂蛆入食其腸復穴其旁而出物類

相感
志

爪肉唐杜暉使嶺南至康州見蜈蚣大如箏天寶四載
廣州因海潮浮一蜈蚣死則割其爪得肉一百二十斤

閩紀

骨硯李勉在汴州得異骨一節可為硯南海時得於海

商云是蜈蚣脊骨

續博物志

作脯開寧縣多蜈蚣大者其皮可以鞞鼓取其肉曝為

脯美於牛肉

南越志

晉安東南吳嶼山蜈蚣千萬積如山

云長丈餘者以作脯味似大蝦

臨海異物志

噉牛東南海中蜈蚣長數丈能噉牛里人秋冬間遇之

則鳴鼓然火炬以驅逐之

異物志

吸兔綏安縣多蜈蚣大者能以氣吸兔小者吸蜥蜴相

去三四尺骨肉自消

西陽

如翠屏珠崖人每明晴見海中遠山羅列如翠屏而東

西不定悉蜈蚣也

嶺南異物志

畏蝸蜈蚣畏蛤蚧不敢過所行之路觸其身則蜈蚣死

本草蜈蚣制蛇而畏蚯蚓每遇蚯蚓即不敢動蚯蚓以涎

沫繞其足盡落

通志他書不見此說疑鄭誤

互食螂蛆食蛇蛇食蛙蛙食螂蛆互相食也

關尹子蜘蛛

灑溺以殺蜈蚣鶴林玉露

蜣螂

蜣螂蜣螂一名蜣蜣一名弄丸一名轉丸古今注俗名推

丸本草一名天社一作天桂廣雅

轉丸蜣蜣之知在於轉丸而笑蜣蜣者乃以蘇合為貴

莊齊物注

無鼻蜣蜣無鼻而聞香銜波傳玄蟬潔肌不羨蜣螂穢飽

抱朴

蝻白蛻娘轉九九成而精思之而有蝻白者存九中俄
去殼而蟬彼蛻不思彼蝻矣白闕尹子

蝗

異名食苗心螟食葉蠶食節賊食根蟲爾雅

梵字蝗蟲腹下有梵字或自天下來者乃切利天梵天
來者西域驗其字作木天壇法禳之今蝗蟲首有王字
固自不可曉或言魚子變近之矣舊言蟲食穀者部吏
所致侵魚百姓則蟲食穀蟲身黑頭赤武吏也頭黑身

赤儒吏也

兩陽

胡蝗司冀青雍蝗茅草皆盡石勒與蝗競取民禾百姓

謂之胡蝗

晉陽秋

蜻蚨

魚伯蠅蝟魚伯青蚨也

廣雅

南方有蟲名蜎蝟如蟬而狀

稍大其味辛美可食每生子必依草葉大如蠶子人將

子歸其母亦飛來不以近遠雖潛取其母必知處殺其

母塗錢子塗貫用錢則自還

搜神記

蠅蝟謂之青鳧束皙

云青鳧可以還錢或云青蚨郡國志其雄雌常處不相舍

人採得以法制之用塗錢以貨易晝用夜歸異物志

域

域一名水狐

玄中記

一名短狐射工射影

抱朴

溪鬼蟲本草

弩錄山

窮谷多毒虐之物氣則有瘴癘人則有工

蟲獸則有虎鳥則有鳩蛇則有蝮蟲則有射工沙虱草

則有鈎吻野葛其餘則蛟蟒之屬生焉

博物志

天中記卷五十七